



# सानसेयारि बड'सा

सानसेयारि 'बड'सा' खैरौलाइयाव समाजयारि जिउजो लोखा थाबाय रायथाय, खरुथाय, खल, खल'बाथा आरु देवबायावि थावनि, पार्क बाइदिनि सायाव लिन्नाय लिन्दिबां देथाय हर/सानसेयारि 'बड'सा' खैरौलाइया खेबखानाबे फोसावगोन।  
बड'सायाव लिन्नायवि दुबा खालाम, 'बड'सा' खै नोथां, जों बयबो आंगो खालाम।  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, विटिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 4 November, 2024 Kokrajhar, BTC, Assam ★ Vol.- 34, Issue No.217 R.N.I.Regd.No.40994/91, Assam Govt. Regd.No. IPRD.40/2006/3, ★Rs.8/-

## गाहाइ मन्थि नरेन्द्र मदिआ हामब्लायथि बाउहरदों

गुवाहाटी, 3 नभेम्बर: असमीया रावखौ मिरु सरकारआ क्लासिकल रावनि मान होनायनि उनावनो रइज्योआव दिनेनफ्राय मिरु हाबाफारि महरै 'राव गोग्गाथाव सप्ताह' आ जागायजेनबाय। राइज्योनि 'राव गोग्गाथाव सप्ताह' जिल्लाफोराव मन्थि आफादनि सोद्रोमाफोरा बाहागो लाफैनाई (□ 6 बिलाइआव)



## रुपहि हाथायाव बेसेननाडै मेगननि फाहामथाय बादा खुंदों



भबानिपुर, 3 नभेम्बर: सालबारिनि साखाथि रुपहि हाथायाव 'सिमान्त चेतना मन्च पुर्वचर'नि बाक्सा जिल्ला आफादनि बान्जायनायाव आरो मानस बिधान सभा बियाबनि जर'खा समाज सिबियारि काजल चौधुरीनि हेफाजाबाव दिने सानसेनि हाबाफारिजों बेसेन नाडै मेगननि आन्जाद बादा खुंनय जादों। साननि 10:00 रिगानिफ्राय खुंनय बेसेन नाडै मेगननि फाहामथाय बादाखौ सालबारि टिसिएलसिसिनि मासिगिरि बिनद मुसाहारिआ बेखेवना होयो। बेजों लोगोसेनो बादायाव नुजाथि फेनाय मेगननि बेरामजों सन्देरजानाय बेराम जानायफोरनि मोजां जानाय एबा मुलाम्फा मोन्यायनि थाखाय आलारि बाथि फोजोडे समाज सिबियारि कल चौधुरीआ। बेखेवनाय हाबाफारियाव (□ 6 बिलाइआव)

## सालबारिनि लाबदांगुरियाव श्यामा फुजानि हिराथि माइथाय फोर्बो खुंदों हाबाफारियाव मन्थि रन्जित कुमार दासआ बाहागो लाफैदों

भबानिपुर, 3 अक्टबर: 'बिजेपिआ राइजो-राजाफोरनो सिबिथाय होनायनि थाखाय लोगोयारिखौ थि लाखिनो हायो। नाथाय कंग्रेस, कमिउनिट आरु माहारियारि (जातियताबादी) दोलो होना दाबि खालामनाय दोलोफोरा गोहोनि थाखाय लोगोयारि जादों क्लाबो लोगोयारिखौ थि लाखिनो हाया। मिरुयाव मोन 12 राजखाथि



दोलोखौ लोगोसे लानानै नरेन्द्र मदिआ सरकार 'खंगसिनो दडा' -बेबायदि बिबुंथिखौ आसाम सरकारनि केबिनेट मन्थि रन्जित कुमार दासआ

थानाय हराव सालबारि महकुमानि लाबदांगुरि हाथायाव खुंनय श्यामा फुजा हिराथि माइथाय फोर्बोनि गेवलां मेलयाव गाहाइ आलासि महरै बाहागो लाफैनायनि उनाव खौरंगिरिफोरनि मोनसे सोंथिनि फिन्नायाव मख'दों। खौरंगिरिनि मोनसे सोंथिनि फिन्नायाव मन्थि रन्जित कुमार दासआ बुंदोंदि, 'राइज्योनि मोन 5 मासिनि थाखाय बिधान सभानि उफ्रा बिसायख थियाव (□ 6 बिलाइआव)

## कक्राझारनि काउनीयाभाषायाव महापुरुष श्रीमन्त शंकरदेबनि 576 थि जोनोम सान फोर्बो खुंदों



बाक्सानि खामरिगावआव बिमा बिफाया गावनि थाम बोसोर बैसोनि गथ'खौ गुबुननो फानहरदों  
मुसलपुर, 3 नभेम्बर: सुबुं समाजआव मोनसे दुखु नांथाव आरु मुगैथाव जाथाय सोमजिदों। मानसियानो मानसिखौ मानसिनो फानहरदों। बाक्सा जिल्लानि बरबेर पुलिस थानानि बेन्दोंआव थानाय खामरिगाव गामियाव बे (□ 6 बिलाइआव)



बासुगाव, 3 अक्टबर: सा-सान्जा भारतनि बयनिखुइबो देरसिन माहारियारि आफाद श्रीमन्त शंकरदेब संघनि कक्राझार-चिरां जिल्ला दालाइन बान्जायनायाव आरु काउनीयाभाषा शंकर-माधव गुदि दालाइन सामलायनायाव थानाय 2 आरु 3 नभेम्बरआ सानैनि गेदेर हाबाफारिजों महापुरुष श्रीमन्त शंकरदेबनि 576थि जोनोम सान फोर्बो (□ 6 बिलाइआव)

## सरुपेटानि गुण गोनां आइजो फोरोंगिरि धरदा डेकाया अबथिरायै रुंसारि जाबाय

भबानिपुर, 3 नभेम्बर: रिंगासोयाव गुवाहाटीनि दिसपुराव थानाय जिएनआरसि देहा फाहामसालियाव जोबथा हां बोयो। मोनसे जाब्रबथायाव जोखोम जानानै धरदा डेकाया दिसपुराव थानाय जिएनआरसि देहा फाहामसालियाव



फाहामथाय लागसिनो दडमोन। मख'नो गोनांदि, थानाय 27 अक्टबरआ फोरोंगिरि धरदा डेकाया सरुपेटानि गोदान टडलपारानि गावनि न'निफ्राय स्कु टि सालाइनानै गावनि (□ 6 बिलाइआव)

## गोदान दिल्लीआव फैगौ 15 आरु 16 नभेम्बरआव साननैनि हाबाफारिजों खुंफुनो थियारिसै "बड'लेन्ड महत्सभ"

### एबसुनि आफादगिरि दिपेन बर'नि गोदान दिल्लीआव खौरंगिरि मेल


कक्राझार, 3 नभेम्बर: बर' माहारिनि हारिमु, राव थुनलाइ आरु दोरोडारि आसार-खाथिफोरखौ हादतजों लोगोसे दुलाराय मुलुगआव गोसार होनायनि थांखिजों हादतनि राजथावनि गोदान दिल्लीआव गिबि खेबनि थाखाय खुंनय थंगासिनो बड'लेन्ड फेस्टिभेलआ। फैगौ 15 आरु 16 नभेम्बरखालि बर' थुनलाइ



साननि लोब्बायै हादतनि राजथावनि गोदान दिल्लीनि साइ

फेस्टिभेलखौ खुंफुनो थाखाय साखा-फराय जादों। दुलाराय बर' फरायसा आफाद, बर' थुनलाइ आफाद, दुलाराय बर' हारिमु आफाद आरु गान्धी हिन्दुस्तानी साहित्य सभानि जुथायै बान्जायनायाव बिटिआर सरकारनि हेफाजाबजों बे फोर्बोखौ गाजा-गोमजायै खुंफुनो लानाय जादों। फैगौ 15 आरु 16 नभेम्बरआव साननैनि (□ 6 बिलाइआव)

### सामगुरिआव दुथांफोरा बिजेपि मावथिखौ गागलोबदों, कंग्रेसनि मावख'खौ बुफायदों



सामगुरि, 3 नभेम्बर: सामगुरिआव मैया शनिबारनि हराव सिनायमोने दुथांफोरा सासे बिजेपि दोलोनि मावथिखौ गात्रियै गागलोबो। दुथांफोरनि गागलोबनायाव बिजेपि दोलोनि मावथिया गोत्राबै जोखोम जायो। सामगुरिनि (□ 6 बिलाइआव)

## उदालगुरि जिल्ला बाथौ महासभानि माइनाव आफादनि 20थि धोरोमारि सावराय मेल

कलाइगाव, 3 नभेम्बर: उदालगुरि जिल्लानि भुजाखात राइजोआरि गेलेग्रा फोथाराव सानसेनि मेहेर गोनां हाबाफारिजों उदालगुरि जिल्ला बाथौ महासभानि माइनाव आफादनि 20 थि धोरोमारि सावराय मेल खुंनय जायो। आइजोफोरनि आसार-खाथि बहायनाय, धोरोमारि नेम-खाथि, बिमानि ज्ञाननि बिथिडाव गोनांथि होनायजों लोगोसे साफ्रोमबो बिमाया गाव-गावनि गथ'साफोरनो गात्रि खाथि, गात्रि हुदा, उन्दै बैसोयाव हाबा जानाय, जौस जुवा, ड्रागस



बहायनायनिफ्राय जानगाराव लाखिनायनि बिथिडाव बिबान गोनां जानांगो होन्नानै गेवलां मेलाव बिबुंथि होनाय आलासिफोरा फोरमायो।

मख'नो गोनांदि, उदालगुरि जिल्ला आफाद बाथौ महासभानि बान्जायनायाव आरु भुजाखात दखरा आफादनि हेफाजाबाव बे 20 थि सावराय मेलखौ खुंनय जायो। जिल्लानि मोन 18 दखराफोरा बाहागो लानाय दिनेनि बे हाबाफारिबे बेखेव बिबुंथि होयो (□ 6 बिलाइआव)

## गेजेर बिजनी दख'रा एबसुआ खुंगा 21थि बोसोरसालिया जथुमा खुनो बान्जाय आफादनि गाहाइ मावखुलि बेखेवबाय

मुसलपुर, 3 नभेम्बर: बाक्सा जिल्लानि सिडव थानाय गेजेर बिजनी दख'रा दुलाराय बर' फरायसा आफादआ कनासारायाव फैगौ डिसेम्बर दाननि 21 आरु 22 खालाराव सानैनि हाबाफारिजों दख'रा आफादनि खुंगा 21थि बोसोरसालिया जथुमा खुंफुनो थांखि लादों। बे बोसोरसालिया जथुमाखौ खुंफुनायनि थाखाय



दिने बान्जाय आफादनि मावखुलिखौ बेखेवनाय जाबाय। बान्जाय आफादनि

## आमसुनि कारिजा बिजनी दखरा आफाद दाफुदों

भबानिपुर, 3 नभेम्बर: दुलाराइ आसाम बाइइ सानखो फरायसा आफाद आमसुनि बाक्सा जिल्ला आफादनि सिडव थानाय खारिजा बिजनी दखरा आफादनि मोनसे सरासनसा मेलखौ सालबारि महकुमानि मिलन बाजारआव खुंनय जायो। आमसुनि खारिजा बिजनी दखरा आफादनि आफादगिरि सफिकुल इस्लामनि (□ 6 बिलाइआव)

## मरिगाव जोबथेसालिनिफ्राय खारखुमालानाय सासे कैदिखौ अन्ध प्रदेशनिफ्राय खादों



गुवाहाटी, 3 नभेम्बर: बावैसो सान सिगां मरिगाव जिल्ला जोबथेसालिनिफ्राय खारखुमालानाय सासे कैदिखौ पुलिसआ फिन खाफिनो हादों। पुलिसआ हर्मफिनो हानाय बे कैदिखौ जयनाल इस्लाम होन्नानै मिथिहोदों। मख'नो गोनांदि, पक्स' आइनि सिडव मरिगाव जिल्ला जोबथेसालियाव जोबजानाय सा 5 कैदिफोरा जोबथेसालिनिफ्राय खारखुमालांमोन। बेनि उनिफ्रायनो पुलिसआ खारखुमालानाय कैदिफोरखौ नागिरनाय हाबाफारि लाबाय थादोंमोन। बेनि गेजेरवनो जयनाल इस्लामखौ मरिगाव पुलिसआ अन्ध प्रदेशनि तिरुपति (□ 6 बिलाइआव)



## सुजुगिरिनि खोलोम



## आर्जिनाय-रंजानाय

सुबुनो बायदिसिना आयदाफरिजो लोगोसे रंजानाय-बाजानायनिबो गोनाथि जायो। रंजानाय लानो हायोब्लासो सुबुनि सान्नाय-हनाया गेवलांसारनो बोलो मोनो, देहायाव गोहो फैयो, गोसो-मेलेमा थाजिम जायो आरो गोजोन मोनो हायो। बेनिखायनो रंजानाय-बाजानाय लानो सम दिहुनांगो जानै फैयो। बोसोरव खेबसे सौफेनाय फुजा-फोबोनि मेलाफोरव बेरायनानैबो सुबुफोर गोसोनि गोजोन्नाय लानायखौ जौ नुनो मोनो। इराजि गोदान बोसोर सौफेनायिन उन-सिगां सुबुफोर रंजानाय लानो दाब-दाब थावनिफोरव बेरायहैयो आरो लावखार ओंखाम जानानै गोसोनि रंजानाय लायो। मानोना गासैबो थाखोनि सुबुफोरानो रंजानाय आरो गोसोआव खुसि मोन्नायखौ लुबैयो।

गोजोन्नाय बोथोर सौफेनाय लोगो लोगो जेरावबो-जेरैबो लावखार ओंखाम जानायनि दुहुम फैयो। लावखार ओंखाम जाग्रा थावनिफोर सुबुनि होंगो-दोंगो जौ बुंफबफैयो। जायगा मोनलायै जानायबो नुनो मोन्नाय जायो। सम आरो बारायखौ नायनानै गुबैयै लावखार ओंखाम जाग्रा थावनिफोर सॉ-सॉ, बिफां सिं, सेरजौं स्याय-स्याय दै बोहैनाय समाइना मिथिगाजौं बुंफबनाय जायगाफोरसो बांसिन सुबुफोरनि गोसो बोनो हायो। सुबुफोरबो बिब्दि थावनिखौल' सायख'नानै लावखार ओंखाम जाहैनाय नुनो मोन्नाय जायो।

दानि समाव लाउखार ओंखाम जाग्रा थावनिआ जौनि ओन्सोलाव गोबांथार दड'सै। सिगां समाव गुबुन गोजान थावनिफोरवसो गोबां बेसेननि मथर-गारि लानानै लावखार ओंखाम जाहैनाय नुयोमोन। जौनि हालामाव गोजोन थासारि सौफेनायिन उनिनफ्रायनो दाब-दाब ओन्सोलफोर लावखार ओंखाम जाग्रा थावनि गायसन्नायै रहा खाबुफोर होनायखौ नुनो मोन्नाय जादौं। बोसोरफोमबो मोनसे नड मोनसे गोदान थावनि सोजिनानै रंजाथाय होनायजौं लोगोसे आर्जिनायनिबो लामा मोनो हादौं जायगानि सुबुफोर।

आथिखालनि सोलायनाय समाव लावखार ओंखाम जाग्रा थावनिफोर सिगांनि बायदि बेरायग्रा-रंजाग्रा थावनिल' जानानै थायाखै, आर्जिनायनिबो लामा होफैदौं। मानोना थावनियाव हाबनायनि खेन्दाबो बोखानाय जायो। बेजौं लोगोसे खाथि-खाला गामिनि सुबुफोरबो बायदिसिना जाग्रा-लोग्रा, फिथाइ-सामथाइ, मैगं-थाइगं, ना-बेदर-दावदै फानायनि खाबु लानानै गरसे-गरने खामायनो हायो। गिदिर मुंदाखा पार्कफोरव हादतनि, गुबुन हादतनि दाबबायारिफोर फैयोब्ला जैरै जायगानि हटेल, रेस्टुरेन्ट आरो खाथिनि नख'रफोर मुलाम्फा फेनाय बायदिनो लावखार ओंखाम जाग्रा थावनि आरो साखाथिनि गामियारिफोरबो मुलाम्फा फेनायनि मिजिं थायो।

लावखार ओंखाम जानो फेग्राफोरनिफ्राय खेन्दा बोखानायनि बदलै सामब्लाया आफादफोर थावनिखौ गोसो बोनो हाथाव, नाइथाव, समाइना आरो सोरगिदिं साखोन-सिखोन खालामनायावबो समानै नो जोर लाखिनाया गाहाम।

## दिनैनि फान्जामुथि

## राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेघ:** माखौबा लानानै जिंगा सिनानो हागौ। गोसो हमथानानै सोलिनांगोन।

**वृष:** सोरजौंबाफोर हिंसा खालाम जानो हागौ। जैरैबो सांग्रां जानानै थानांगोन।

**मिथुन:** दिनैनि दिनआव गोजोन्नाय गैयेजौं सम बारहोनांगोन। जेखि जाया गोसोखौ हमथा।

**कर्कट:** सोरजौंबाफोर दावराव-दावसि जाबाय बायनो हागौ। गोसो हमथानानै सोलिनांगोन।

**सिंह:** जेखि बादाया देहासारनायखौ मोनो हागोन। बादायारिनि थाखाय गाहाम सान।

**कन्या:** मानिबा थाखाय गोसोखौ गात्रि मोनखानो हागौ। जेखियानो जाया गोसोखौ हमथा।

**तुला:** सुथर जानाया बांनो हागौ। जेनायाव गोसोखौ हागौ। सांग्राडै था।

**वृश्चिक:** सोरनिबा खैसार सानायाव गोसोखौ हागौ। जेथिबो सांग्रां जानांगोन।

**धनु:** जेखियानो जाया नख'रनि गोथार हाबा मावनानै लानो हागोन। सान्नाया जाफुंगोन।

**मकर:** माबाफोर जेनायाव गोसोखौ हागौ। गोसोखौ शान्ति मोन्नाय नड।

**कुम्भ:** जैरैबो रंजा-बाजा खालामनानै थानो हागोन। सान्नायखौ मावोबा जाफुंगोन।

**मीन:** नख'र संसार जानायाव मानिबा जेना नुजानो हागौ। गोसोखौ शान्ति मोनै मोनगोन। गोसो हमथा।

## गिबि मथि ड० हिमन्त विश्व शर्मानि बिबुंथिखौ लाना राजखान्थियारि दोहौ नुनो मोन्दौं

रान्चि, 3 नभेम्बर: आइएनडिआइएआ कर्टआव थांगोन। बेखौ लानानै आफादआ गाहाइ बिसायख'थि बिबानगिरिनो जुथाय मुंसाय होनाय मोनसे गोसोखांलाइबो गथायो। देखांदौं। आइएनएडिआइएनि मोनसे थान्दै आफादआ शनिबारआव राइज्योनि गाहाइ बिसायख'थि आफादगिरि के. रवि कुमारजौं लोगो हम्ना शर्मानि हेंथायै नायबिजिरनांगोनि दाबि दैखाडो। लोगोसेनो बिथानि बिबुंथिफोरनि भिडिअबो गथायो। थान्दै आफादआ बुंबायोदि आयगआ नायबिजिराब्ला

आइएनडिआइएआ कर्टआव थांगोन। बेखौ लानानै आफादआ गाहाइ बिसायख'थि बिबानगिरिनो जुथाय मुंसाय होनाय मोनसे गोसोखांलाइबो गथायो। देखांदौं। आइएनएडिआइएनि मोनसे थान्दै आफादआ शनिबारआव राइज्योनि गाहाइ बिसायख'थि आफादगिरि के. रवि कुमारजौं लोगो हम्ना शर्मानि हेंथायै नायबिजिरनांगोनि दाबि दैखाडो। लोगोसेनो बिथानि बिबुंथिफोरनि भिडिअबो गथायो। थान्दै आफादआ बुंबायोदि आयगआ नायबिजिराब्ला



जादौं। बिथानि बे बिबुंथिखौ थुनज्जालनाय आरो जेना गोनां बिबुंथि होनानै बिथानि बेरेखा नायबिजिरनांगो होना दाबि देखांनय जादौं। झामुनि गाहाइ नेहाथारि सुप्रिय भट्टाचार्यआ

बुंदौंदि, हिमन्त विश्व शर्माआ गावनि बिबुंथियाव माखासे जरखा मुंमख'यो आरो जाथाय एबा आयदाखौ जरखा हारि-फोलेरजौं सरजाबो। बेयो मान गोनां कड अफ कन्डाकटखौ

सिमफायनाय जादौं। बुंदौं, जेब्ला आइएनएडिआइएआ हिमन्तनि बै बिबुंथिखौबो थुनज्जालनाय होना बुडो, जेराव बिसोरो मोनसेल' जायगायाव बट होयो नाथाय जौनि हिन्दुफोर खावसे बेयाव खावसे बैयाव भट होयो होना बुंदौंमोन। गोसोखांलाइयाव बिबदिनो गोबां बिबुंथिफोरखौ रायखांनो बेखौ थुनज्जालनाय होना हिमन्तनि हेंथा नायबिजिरनांगोनि दाबि दैखाडो। बेनि सायाव हिमन्तआ बुडेदि, आनि हेंथा मानि अजद? आं मा गात्रि होयो।

## कलकाताआव आइजो डाक्टरनो गात्रि भिडिअ हरग्रा सुबुंखौ पुलिसआ हमबाय



कलकाटा, 3 नभेम्बर: कलकाटानि इएम बाइपासआव थानाय मोनसे गावयारि देहा फाहामसालिनि जुनियर आइजो डाक्टरनो सासे केब सालायग्रानि मबाइलजौं गात्रि (ब्लू) भिडिअ दैथायहरनाय आरो हुमखि होनाय जाथाया सोराडाव नुजाथिदौं। आइजो डाक्टरआ पुलिसनयाव बेनि अजद दैखांदौं, जाउनाव पुलिसआ बे जाथायनि सायाव नायबिजिरनो जागायो। बे जाथायनि सोमोन्दै फोरसायनाय बादिब्ला, शुक्रबारखालि हरनि

8.00 रिंगायाव आइजो डाक्टरआ इनड्राइभ एपनि गेजेरजौं केब बुक खालामदौंमोन। पिकआप लकेसनआव सौहैनायाव गोबाव जानायनि जाहोनाव डाक्टरआ केबखौ होबथायो। दाय जाबसिन्नाय बादिब्ला, केब सालायग्रआ आइजो डाक्टरखौ हुमखि होनायजौं लोगोसे मोनसे गात्रि भिडिअ दैथायहरो। बियो आइजो डाक्टरनो गले गले फन खालामदौंमोन आरो

जोबथारनायाव गिखंथाव जाथायजौं भुगिनांगोन होनानै हुमखि हरदौंमोन। बेनि उनाव आइजो डाक्टरआ कलकाटानि पुलिस कमिसनार आरो साइबार सेलनाव इमेलनि गेजेरजौं बे जाथायनि अजद दैखाडो। बेनि गेजेरजौं भुगिनांगोन आइजो डाक्टरनि सानै हेफाजाबगिरि डाक्टर सुनन्दन बसु आरो सोनाब बंग डाक्टर्स फरमनि डाक्टर तन्मय बेनार्जीआ थांनय शनिबारनि सान्जौफुआव सान्जा जादपुर पुलिस स्टेसनआव थांनानै बे जाथायनि सोमोन्दै गसर थिसनो। बेनि उनाव पुलिसआबो बिएनएसनि गुबुन गुबुन आर्टिकलफोरनि गेजेरजौं केस थिसनानै बेखौ नायबिजिरनो जागायो। बे जाथायाव पुलिसआ दायनिगिरि केब सालायग्रानि खोथा होयो आरो दायनिगिरिखौ नागिरो आरो हमनो हायो।

मुम्बाइ, 3 नभेम्बर: उत्तर प्रदेशनि गिबि मन्थि यगी आदित्यनाथखौ जिउ फोजोबनो हुमखि होदौं। मुम्बाइ पुलिसखौ मोनसे हुमखि होनायजौं बुंफबनाय मेसेजआव बुंदौंदि, जुदि उत्तर प्रदेशनि गिबि मन्थि यगी आदित्यनाथआ 10 साननि गेजेराव बिबान एंगागब्ला बिखौ एनसिपिनि दैदेनगिरि बाबा सिद्धिकी बादिनो जिउ फोजोबनाय जागोन। मुम्बाइ पुलिस ट्रॉफिक कन्ट्रोल सेलआ शनिबारखालि बेलासिआव मोनसे सिनायमोने नम्बरजौं बेनि खौरांखौ मोनो। हुमखिखौ सोर दैथायहरदौं बेखौ मिथिनो थाखाय आथिखालाव नायबिजिरनाया सोलिगासिनो दड'होन्नानै पुलिसआ बुंदौं। बे हुमखि होनायनि सोमोन्दै गिबि मन्थिनि रेखाथि हान्जानो खौरां होनायजौं लोगोसे रेखाथिखौबो गोखौंसिन खालामनानै होनाय

## उत्तर प्रदेशनि गिबि मन्थि यगी आदित्यनाथखौ जिउ फोजोबनो हुमखि होदौं



मावख'नि बाइजोआव बाबा सिद्धिकीखौ माखासे सान गावथादौंमोन। बिथारखौ सा 3 सिगां गावथारनाय जादौंमोन। भिजयादशमीनि सानआव जानाय बे जाथाया बयखौबो गिखां होदौंमोन। बाबाखौ फिसाज्जा जिशान सिद्धिकीनि

## त्रिपुरानि फरायसा आफादआ राइज्यो बैंगिरिनाव स्कुलफोरव साबसिन सुबिधा होनो आरज गाबदौं



आगरटला, 3 नभेम्बर: टिपर मथा पार्लिनि फरायसा ब्रान्स टिपर इन्डिजिनास स्टुडेन्ट्स फेडरेशन (टिआरएसएफ) आ त्रिपुरानि राइज्यो बैंगिरि इन्डिरा सेना रेड्डी नल्लुजौं लोगो हमनानै राइज्योनि स्कुल आरो कलेजफोरव साबसिन सुबिधाफोर होनो दाबि दैखांदौं। टिआरएसएफआ राइज्यो बैंगिरि नल्लुखौ राइज्योनि गासै सोलौंथाय फसंथानफोरव सप्ताहयाव खेबनै ट्रेस फोसावदिनोबो थांखि होदौं, जेराव बुंनया जायोदि, मोनसे फरायसा आफाद महरै बियो माखासे खहाफोरखौबो नुनो मोन्दौं, जाय इयुन जोलैफोरखौ गोबां उन खालामनो हागौ। फोसावलायाव बुंनवाय जायोदि, माखासे कलेज आरो बांसिन स्कुलफोरव दाबबायनायनि उनाव मिबिथिनो मोन्नाय जायोदि, नायबिजिरा मुवा-बेसाद थानाय मोनसेबो खथा गैया, जाय फरायसाफोरनि थाखाय गोनांथि दड'। बेयाव फरायसाफोरनि थाखाय थोजासे बिबानि टयलेट गैया, लौनो थाखाय लोंग्रा दैनि गाहाम सुबिधा गैया। बेनि अनगायै जियनयानयिनो थोजासे बेबस्था, मोब्लिब आरो युबुन गोनां जानाय सुबिधाफोरनि आंखाल दड'। अदेबानि त्रिपुरानि फरायसा आफादआ राइज्यो बैंगिरिनाव स्कुल, कलेजफोरव साबसिन सुबिधाफोरनि नेम-खाथि दानो खावलायदौं, जायनि थाखाय बिसोरहा मोन्थाय दड'।

## आबादारिफोर थानाय बोसोरनिफ्राय देग्लाइ खमसिन नारा-जिगाब सावदौं: रिपर्ट



चन्डिगड, 3 नभेम्बर: जायगाफोरव नारा सावो। अदेबानि राइज्योनि दर 6 जिल्ला भिवामी, गुरुराम, चरखि दादरी, महेन्द्रगड, नुंठ आरो रेवाडीआव नारा जिगाब सावनायनि मोनसेबो जाथाय नुजाथियाखै। सरकारआ

आबादारिफोरखौ माय आबाद हाखानायनि उनाव गोदान आबाद मावनो थाखाय बेनि नारा-जिगाबफोरखौ सावनाइ होनानै गोखौडै खावलायदौं। मानोना बेनिफ्राय ओंखारनाय उरुवुदौं आबहावाआ गुवुलै जायो आरो

## दावफोरनि मोदोम गाबआ माबौरै आलादा आलादा जाखो?

हाजोआरि सल' गुबै: समादास रा:सो-सुज वसुमतारी

गोदोन सानावनो मोनसे दैमानि चाफरिआव मासे दावसि आरो मासे थिकथिखाया ओरैनो जंखायलायबाय थादौंमोनो। दावसि दावआ थिकथिखाखौ मोनसे समाव गेलेनायनि मुडैनो नारखलैनाय खोखलैयो। बे बादि खालामनायखौ नुनानै, थिकथिखाय गोसोसौं गोसो जोबोद लाजिनय मोनो आरो लाजिनय जौनो दावसि दावखौ बुडे। -सखि! नौं आंखौ मानो बेबायदि लाजिफोनांखो? सानदौं नामा दि बे बुहुमाव आ जोबोद हासिंथार आरो आंहा बाहाय बाहागि बुनो रावबोआनो गैया? खोथाखौ खोनानानै दावसिदावआबो रागा जौंखाडो आरो रागाजौं बिबो बुडे, -नौं बांदाय थिफुद्ला दादिन्थिखा। नौंहाल' नड, आंहाबो बाहाय बाहागिफोर दड'। जुदि थारैनो नौं जुजिनो नागिरमारदोब्ला नौंनि बाहागिफोरखौ लिनानै लाबोदो आरो आंभो आनि बाहागिफोरखौ लिंथुमनानै लायदिनि। बिब्दब्ला दिने जुजिनानै नायथारनोसै। नायनि, सोर जेनो सोर देहायो? खोथानि जोबथारनायाव दावसि आरो थिकथिखाय मानैबो फानै थिजाय गावसिनि आलासि उलासि आरो बाहाय-बाहागिफोरखौ लिनो थाडो। आरो नायनायावनो नायनायावनो बै फेलाव चाफरिआ मोनसेबो दोलोनि बेसेबा गेदर थुबुजौं आबुंजायो। फासंथिजाय दावसिजौं दंफायोमोन अखाडव बिरबायबायनाय बाइदि रोखोमनि दावफोर जैरे दावखा, चिला, मैना आरो सिगुन। आरो गुबुनथिजाय थिकथिखौं दंफायोमोन बिखाजौं दुदुलांग्रा जिबिफोर जैरे अजगर जिबो, फिटिगम, थै सिलरा, मोफो, आरो गोबां। नायनायावनो नायनायावनो बै साफरिआ मोननैबो हान्जानि गेजेराव मोनसे बेसेबा गेदेरथार

होखां होसि, सौलायनाय आरो मेरायनाय फानब्रेलायनाय जागायजेनो। माब्लाबा माफा माफा दावत्रा गाहाय फासं ओंखारबोयो आरो जिबौनि दोलोनि सोरखौबा जेन' सीनो हेसिलाडो। आरो माब्लाबा जिबौनि दोलोनि बबेबा मासेआ बे बादिदौंनो गोसोफासं बारखानानै दाव हान्जानि बबेबा मासेखौ आथिडव फानब्रेनानै गाहायथिंजाय बोनानै लाबोदो नाजायो। बे बायदियैनो दावहाया दानिसे सम सोलिनायन उनाव, दाव हान्जानि सान्थि गाहायआ जिबौं हान्जानि सान्थि गाहाय अजगर जिबौंखौ खेबसेआवनो गोसो फासं बोगदाव लाडो आरो हाजो थिखि सायाव खोखलैयो। बेखौनो नुनानै दावनि हान्जान्या जै होयै होयै हाजो थिखिसिम सौहैयो आरो अजगर जिबौंखौ जानायनि थांखिजौं सोरगिदिं बेंनो दमो। आथिखालनि बायदिनो, गोदोन सानावबोनो दावखाया दावनि गेजेराव बयनिखुडो जाख'रमोननो। बेनिखायनो मासे दावखाया गिबिआवनो थानानै अजगर जिबौनि उदैखौ गबल'खालामनानै बिनि सिंफ्राय बिखलोखौ दिहुननानै लाबोदौंमोननो। बे बायदि खालामनायाव बिखो गबुनानै बिदैफ्रा बोहैबोनानै दावखानि मोदोमाव नांदलानानै बिनि मोदोमखौ सोमखे खालामो। गोजा चिलायाबोनो बेनि उनाव थानानै जिबौनि गासैबो थैखौनो लोंजोबदौंमोन। बेनिखायनो बिनि मोदोमा दिनेसिम बे बायदियैनो गोजा जासं जानानै थायो।



## भारतआ फिन खेबसेबाव कानाडानो सांग्रांथि होदों

गोदान दिल्ली, 3 नभेम्बर:

खालिस्तानी उतखारि हरदीप सिंह निज्जरखौ बुथारनायखौ लानानै भारत आरो कानाडानि गेजेराव सोलिनाय सोलोखान्थियारि जेनाया गोथौसिन जालांगसिनो दड। थानाय सानफोरव कानाडानि लेडाइ गुबुन हादतयारि मन्थि डेविड मारिसननि फारसेनिफ्राय बे केसआव संसदआरि कमिटिनि मोनसे हियारिनि समाव भारतनि नख 'र मन्थि अमित शाहनि मुं लानायखौ भारतआ जोबोद सांग्रांथियै लायो। बे केसआव सानसे सिगां कानाडानि भारतआरि हाइ कमिसनरनि थान्दैनो गुबुन हादतयारि मावख'आव समन गथयानानै भारतआ गोखोडै अजद दैखाडो। गुबुन हादतयारि मावख'आ बेनि सोमोन्दै मोनसे



राजखान्थियारि नटबो गथायो। भारतआ बेनि सोमोन्दै मोनसे फिन्नायाव बुंदोंदि, आथिखालाव टुड सरकारआ राजखान्थियारि एजेन्डानि गेजेरजों खामानि मावगासिनो दड' आरो बियो जाय थांखिखौ लादों बेजों दरनै हादतयारिनि सोमोन्दोयाव गाहामै गोहोम गोगलैगोन। गुबुन हादतयारि मावख'नि बुंथिगिरि रणधीर

जायसवालआ बुडोदि, कानाडानि बिबानगिरिफोरा भारतखौ बदनाम खालामनो आरो गुबुन हादतयारि गोहोम खोखलैनो थाखाय गोसो जानानै हारियारि मिडियानो खौरं होयो। नाथाय बेबायदि हाबाफारिफोरा दरनै हादतनि सोमोन्दोफोरव गाजियै गोहोम खोखलैगोन। कानाडा सरकारनि बे थांखिजों थासारिया गाजिसिन जालांगसिनो दड।

## उतखारि गाग्लोबनायखौ बांहोनानै जम्मू-काश्मीरखौ गोजोन गैयै खालामनो खैसार सादों: सुलुं

श्रीनगर, 3 नभेम्बर: जम्मू-

काश्मीरआव जौगाबोहानाय इन्भेस्ट, रेकर्ड टुरिस्टफोरनि आगान हैनाय, बिसायख 'थिआव सरासन्ना सुबुंफोरनि बाहागो लानाय, काश्मीर माराथन आरो फर्मुला कार रैस बायदि खुंनाय, गोजोन आरो जौगाखां बादिखौ सिमना बारनाय उतखारिफोरनि न' पाकिस्तान, बिसोरनि संगालि एजेन्सि आइएसआइ आरो जम्मू-काश्मीरआव सांग्रां माखासे तथ्यफोरखौ सहायनो हायाखै। बेनि थाखायनो जम्मू-काश्मीरआव गोजोन गैयै खालामनो थाखाय जर'खायै हायेनआव थानाय मोनसे पखवाडैनि समाव उतखारि गाग्लोबनायखौ गोखौ खालामनो मोनसे खैसार सादों। गुबुन राइज्योफोरनि लेबारफोरखौ थांखिनयनि आन्दोआवबो बे



खैसारखौनो नोजोर होनाय जादों। जर'खायै कन्स्ट्रक्सन बिथांखिफोराव खामानि मावहैनाय लेबारफोरखौ गाग्लोबनाय उतखारिफोरा हादरनाडै गाजि गोहोम खोखलैनो नाजादों। जम्मू-काश्मीरनि थासारिखौ गुबुले

खालामनो नाजादों। उतखारि आपादआ बिब्दि खालामनानै लाइमोनफोरखौ गावसोरजों थिसनानयनि थाखाय गोसो दुंहोदों। बिसोरनि बेबादि प्लेनिखौ फेलें खालामनो थाखाय रैखाथि एजेन्सिफोर आरो रैखाथि हान्जाफोरा हाबा

मावदों। राइज्यो खुंथाय आरो मिरु सरकारआबो रैखाथि हान्जाफोरनो उतखारिफोरनि हेंथायै नायबिजिनयनि आबुं उदांसिबो होदों। जम्मू-काश्मीरआव 18 अक्टबरनिफ्राय 2 नभेम्बरसिम हायेनआव उतखारिफोरनि खेब

गाग्लोबनायाव जिउ बाडनादों। गुबुन मोनसे गाग्लोबनायाव सासे डाक्टरजों लोगोसे सा 7 सुबुंफोरनि जिउ गोमादोंमोन। सा 3 गुबुन राइज्योनि लेबारफोरा उतखारिनि गुलिआव जोखोम जानानै आथिखालाव फाहामसालिआव दड। गुलमार्ग आरो बान्दियरआवबो सान्थिखौ थांखिनानै गाग्लोबो। बेनि गेजेराव उतखारिफोरनि सा 8 मदद होग्राफोरा हमजायो आरो खोला काश्मीरआव लान्थियै सोलिनाय ग्रेनेड गाग्लोबनायनि मोनसे प्लेनिखौबो सान्थिफोरा फेलें खालामो। रैखाथि एजेन्सिफोरनि बादिब्ला, बे गाग्लोबनायाव आइएसआइनि आखाइ दड।

## मणिपुरआव जर जुलुमै लुथिनायनि दायआव सा 6 सुबुंफोरखौ ग्रेप्टार खालामदों

इम्पल, 3 नभेम्बर:

मणिपुर पुलिसनि एन्टि-एक्सटरसन स्कुएडआ गार्डिनि जिल्लाफोरव जर जुलुमै लुटिना लांनय दायआव थाफानाय गुबुन गुबुन आफादफोरनि सा 6 सन्देह खालामथाव उतखारिफोरखौ ग्रेप्टार खालामदों। पुलिसआ फोरमायनाय बायदिब्ला बिसोर हाबाफारिनि गेजेरजों बेरफुग्रा बेसाद, गारि, दाबि दिखानाय बिलाइ आरो माकासे डिजिटेल बेसादफोरखौबो बोखानो हादों। थानाय 24 घन्टानि गेजेराव थौबल आरो बिष्णुपुर जिल्लाफोरनि मोनै गुबुन गुबुन जायगाफोरव मोनै गाहाइ हाबाफारिफोरव सा 6 के डारफोरखौ बेंखनाव लानो हादों। थौबलनि चरंगपट मयइ लिक्इआव गिबि सिग्रोमनायाव होबथाजानाय कांगलिपाक कमिउनिस्ट पार्टि-पिपुल्स वार युपनि साबा मावसुमाफोरखौ ग्रेप्टार



खालामनाय जादों। बे मोनबानि गेजेराव मोनसेआ 36 एचइ हेन्ड ग्रेनेड. केसिपिनि गानै डिमान्ड लेटर एबा लाइजाम, गंभा मबाइल हेन्डसेट, मोन 13 सिम कार्ड आरो गंसे साखा खबत्रे गारि बोखानो हायो। हमजानाय सुबुंफोरखौ थकचम बिक्रम सिंह (29), सिनाम बिजेन

सिंह (37), थंगजाम दिपक सिंह (30) लाम्बामयुम नाअबि सिंह (26) आरो हुइनिसुबम टन सिंह (21) नि मुडै सिनायथिनाय जायो। होबथाजानाय पिपुल्स रिभल्युसनरि पार्टि अफ कांगलेपाकनि सासे गुबुन मावसुमा प्रेसिभ नंमाइथेम गुनामनि उर्फ आल्लु (32) खौबो बिष्णुपुर जिल्लानि कु म्बि

ओन्सोलनिफ्राय ग्रेप्टार खालामनाय जादों। पुलिसआ दायनिगिरिफोरनिफ्राय थरसे 36 हेन्ड ग्रेनेड, गंसे मटरसाइकेल आरो गंसे मबाइल हेन्डसेट मोनो हादों। पुलिसआ बुडोदि, ग्रेप्टार खालामजानाय केडारफोर आरो जब्द खालामनाय बेसादफोरखौ आयेनारि बिजिनयनि थाखाय पुलिसआ बेंखनाव लादों।

## मणिपुरनि कुकि ओन्सोलफोरव एनपिअआ फालांगियारि गारिफोरनि सायाव होबथानाय जाबसिन्ना होदों



इम्पल, 3 नभेम्बर: मणिपुर राइज्योनि गोहो गोर आदिबासि आपादफोरनि गेजेराव मोनसे नागा पिपुल्स अर्गनाइजेशन (एनपिअ) आ मणिपुरनि कुकि ओन्सोलफोरव गासै फालांगियारि गारिफोर सालायनयनि सायाव

होबथानाय जाबसिन्ना होदों। बे थांखिया गोजोन बेबस्था आरो गासै फोलेरफोरनि रैखाथिखौ सोलिहोनो थाखायमोन होना बिथाइ दाबि दैखादोंमोन। बे होबथानायखौ कांपकपि

जिल्लानि आदिबासि खौसेथिनि सायाव गमगिफाइ कमिटि (सिअटिड) नि गेटआव गोरान्थि कुकि सुबुंफोरनि गेजेरजों सेनापति जिल्लानि सासे नागा आइजोचों सोमोन्दो थानाय फालांगियारि


मुवा-बेसादफोरखौ जब्द खालामनायनि फिन्नायाव फोसावनाय जादोंमोन। बेजाथाया कुकि आफादफोरजों लोगोसे मोनसे रदाय खासेयावबो जायो, जाय गासै नागा फोलेरनि सोद्रोमाफोरखौ जायखि जाया आयेन बेरेखा हाबाफारिनिफ्राय रेहाय होयो। एनपिअआ कुकिफोरखौ दाय जाबसिनोदि, इनाय अनागारनि जाथायफोरा खनले-खनले जाबाय थादों आरो आयेन बेरेखा हाबाफारिया लान्थियै सोलिगासिनो दड, जाय मोनै फोलेरफोरनि गेजेराव गावजों-गावनि रादायखौ सिफायो। बेनि सोमोन्दै एनपिअआ बुडोदि, माखासे अजद दैखानायफोरव कुकि ओन्सोलफोरव फालांगियारि

गारिफोरनि हान्था मेलाखौ होबथानो थाखाय फोसावनो गोनं जाना फेदों। बे नेम-खान्थिया समाव गोखौ जानो हागौ। बे राहाया जेब्लासिम कुकि फोलेर फोथायजाथावयै निमाहा बिया अब्लासिम गोहोम गोगलैगोन होन्ना एनपिअआ सांग्रांथि होदों।

## सिएए हेंथा आफादआ एनआरसिनि फाइनाल ड्राफ्टखौ नायबिजिनो खुंथायनिसिम दाबि दैखादों

गुवाहाटी, 3 नभेम्बर: आसामआव नोगोरारि सोदांनय नेमखान्थिनि हेंथायै क-अडिनेसन कमिटिआ भारतनि रेजिस्टार जेनेरेलनाव माहारियारि नोगोरारि रेजिस्टारनि फाइनाल ड्राफ्टखौ फोसावनो खालायो। कमिटिआ बुडोदि, फाइनाल ड्राफ्टखौ 2019 माइथायाव आरजिआइनो थांखि होदोंमोन। नाथाय बेखौ दिनैसिम फोसावनाय जायाखै। आइनारि सेलेन्सफोर आरो अजद होनायफोरनि जाहोनाव बेखौ फोसावनायाव गोबाव जायो। आफादआ बुंनय बादिब्ला, आसामआव आइन बेरेखा इमाइग्रेसन आयदानिफ्राय बारग'नो थाखाय एनआरसिखौ फोसावनाया मख'जाथाव। कमिटिआ नोगोरारि नेमखान्थि 1955 नि खान्ड 6 एखौ समानै लाखिनो थाखाय

होबथानाय जाबसिन्ना होदों। जिल्लानि आदिबासि खौसेथिनि सायाव गमगिफाइ कमिटि (सिअटिड) नि गेटआव गोरान्थि कुकि सुबुंफोरनि गेजेरजों सेनापति जिल्लानि सासे नागा आइजोचों सोमोन्दो थानाय फालांगियारि



सुप्रिम कर्टनो साबायख'र बाडदों, जाय 1971 नि 25 मार्चआव भारतयारि नोगोरारि होनो कट अफ अक्खौ बिथा खालामो।

इम्फल, 3 नभेम्बर: फरायसाफोरनि मोनसे हान्जाआ माहारियारि खौसेथि दावबायनायखौ शनिबारखालि मनिपुरनि सान्जा इम्फल जिल्लानि कइरेंगेइनिफ्राय जागायो। सानै फोरेंगिरिफोरजों लोगोसे सा 14 हिन्जावफोर आरो सा 6 हौवासाफोरजों लोगोसे गासै सा 20 फरायसाफोरनि दावबायनायखौ रेड शिल्ड डिभिजननि जेनेरेल अफिसार कामान्डि मेजर जेनेरेल एसएस कार्तिकेय बिथाइ गोंथां फिर्फिला दिन्थियो। फरायसाफोरा एन्डुनि गामिफोरखौ दैदैनो। जिअसिजों लोगोसे रेड शिल्ड डिभिजननि नख'र जौगाखां आफादिनि आफादिगिरिबोमोन। गोंथां



फिर्फिला दिन्थिनाय हाबाफारिनि समाव मेजर जेनेरेल कार्तिकेयआ फरायसाफोरजों सावरायो आरो दावबायनयनिफ्राय हागौमानि सोल्लोनानै लानो बिथोन होयो। अपारसन सद्भवानि गेजेरजों बे दावबायनाया माहारियारि खौसेथिखौ बांहोनो आरो

हारिमुवारि बिरासतखौ मोन्दाथिनानै हादरगिरि द्रौपदी मुर्मु आरो गागि सान्थियारि मख'जाथाव सुबुंफोरजों सावरायो। हान्जाआ 12 नभेम्बर 2024 आव इम्फलसिम सौफैफिनगोन। बे दावबायनाया फरायसाफोरनि थाखाय गुबुन गुबुन हारिमुवारिफोरजों सरजाबनाय आरो हादर सिडव आंगोथि सानसिखौ गोखौ खालामनो थाखाय मोनसे जौसां महरै हाबा मावो। भारतयारि सान्थिआ बेबादि थांखिवां हाबाफारिनि गेजेरजों माहारियारि खौसेथिखौ बांहोनो आरो लाइमोनफोरनि गोसो-मेलेमखौ गोखौ खालामनो थाखाय गावनि बिबानखौ मावफुलाडो।

## तामिलनाडुनि लेडाइ गिबि मन्थि उदयनिधिआ हिन्दी रावनि बेरेखा बिबुंथि होदों

चेन्नाइ, 3 नभेम्बर : सनातनि हेंथायै बिष गोनं बाभ्राफोर बुंग्रा तामिलनाडुनि लेडाइ गिबि मन्थि उदयनिधि स्टालिनआ आथिखालाव हिन्दीनि हेंथायै जेना गोनं बाभ्रा बुंनय नुनो मोन्दों। शनिबारव बियो बुडोदि, जुदि राइज्योआ गावनि रावफोरजों रैखा खालामनायाव फेलें जायोब्ला, हिन्दीआ बेनि जायगाखौ लागोन, जायजों राइज्योनि रावनि सिनायथिया गोमोरलांगोन। बेनि जाहोनावनो तामिलनाडुआ हिन्दी राव नारसिन्नायनि हेंथा। अदेबानि बिथाइ बुडोदि, बिथाइ रावजों जेबो सुथुर गैया। तामिलनाडुआव द्राबिडुआ राजखान्थियारि सोमावसारनाया गोबाव समसिम थुनलाइ आरो रावखौ गावनि बिथा गोनं खुन्थिया महरै दोन्दों। थुनलाइयारि, रावयारि आरो



राजखान्थियारि बिदैनि बे गलायथायआ मोनसे गोहो-गोरा सिनायथि बानायदों, जाय तामिलनाडुनि समाजयारि आरो राजखान्थियारि सिनायथिखौ गोथीयै महर होदों। बिथाइ बुडोदि, तामिलनाडु आरो केरेला

दरनैबो भारतनि बयनिखुइबो जौगासिन्नाय राइज्यो आरो दरनैबो राइज्योआ फुस्लायनाय आरो माहारियारि गोहोफोरखौ जाफु'सार महरै जानगाराव लाखिदों। द्राबिडुआ राजखान्थियाव थुनलाइयारि

आरो रावयारि बिदैनि सायाव बिथाइ बुडोदि, तामिलनाडुआव द्राबिडुआ राजखान्थियारि सोमावसारनाय, जाय गावनि गोखौ रावयारि आरो हारिमुयारि गोगानायनि थाखाय मिबथिजायो। लेडाइ गिबि मन्थि उदयनिधिआ दिने कश्किडआव मन'सा डेली ग्रुपनि आरिमु आरो थुनलाइ महात्सभआव बुडोदि, थुनलाइयारि, रावयारि आरो राजखान्थियारि गोरोबथिनि बे गलायथायआ मोनसे गोखौ सिनायथि सोरजिदों, जाय तामिलनाडुनि समाजयारि आरो राजखान्थियारि नोजोखौ गोथीयै महर होदों।

## आसामनि जिएमसिआ गुवाहाटीआव आरोबाव मोनसे रेस्टुरेन्टखौ सिल खालामदों

गुवाहाटी, 3 नभेम्बर : आसामनि गुवाहाटीआव आरोबाव गुबुन मोनसे रेस्टुरेन्टखौ गुवाहाटीनि जिएमसिआ शनिबार मोनानि सिग्रोमनायनि गेजेरजों सिल खालामबाय। खौरानि बायदिब्ला, जु रडआव थानाय



ग्रिल्ड पान्डा मुनि रेस्टुरेन्टआव गोब्राबै लाइसेन्स गैयै आरो सावस्त्रियारि नेम-खान्थिखौ सिफायदोंमोन। रेस्टुरेन्टखौ थि अट'रि आरो लाइसेन्स गैया लासे गोबाव बोसोरनिफ्रायनो सालायबोबाय थानायखौ हमनो हादोंमोन। बेखौबो मिबथिनाय जादोंदि, बिथांआ गावनि

ओंखाम संग्रानि बायजोआव दिफिकाल्ट थासारियाव जानाय आदारनि थियारि खालामबाय थादोंमोन। जिएमसिआ हमनो हायोदि, ग्रिल्ड पान्जायाव मोनसे अरिजनेल लाइसेन्सजोंनो सोलिगासिनो दडमोन, नाथाय बेयो बिथांनि रेस्टुरेन्टनि थाखाय नेम बायदियै

गोनंथिनिखुइ खमसिनमोन। ग्रिल्ड पान्डानि मालिकआ दाबि दिखाडोदि, नायबिजिनया मोनसे फान्दायनायसोमोन आरो ओन्सोलाव बे बायदि जायगाफोरखौ एबा इन्स्टिटुसनफोरखौ इन्सपेक्सन खालामनाय जायाखेमोन।

## इम्फल सान्जानिफ्राय माहारियारि खौसेथि दावबायनायखौ गोथां फिर्फिला दिन्थियो

इम्फल, 3 नभेम्बर: फरायसाफोरनि मोनसे हान्जाआ माहारियारि खौसेथि दावबायनायखौ शनिबारखालि मनिपुरनि सान्जा इम्फल जिल्लानि कइरेंगेइनिफ्राय जागायो। सानै फोरेंगिरिफोरजों लोगोसे सा 14 हिन्जावफोर आरो सा 6 हौवासाफोरजों लोगोसे गासै सा 20 फरायसाफोरनि दावबायनायखौ रेड शिल्ड डिभिजननि जेनेरेल अफिसार कामान्डि मेजर जेनेरेल एसएस कार्तिकेय बिथाइ गोंथां फिर्फिला दिन्थियो। फरायसाफोरा एन्डुनि गामिफोरखौ दैदैनो। जिअसिजों लोगोसे रेड शिल्ड डिभिजननि नख'र जौगाखां आफादिनि आफादिगिरिबोमोन। गोंथां

फिर्फिला दिन्थिनाय हाबाफारिनि समाव मेजर जेनेरेल कार्तिकेयआ फरायसाफोरजों सावरायो आरो दावबायनयनिफ्राय हागौमानि सोल्लोनानै लानो बिथोन होयो। अपारसन सद्भवानि गेजेरजों बे दावबायनाया माहारियारि खौसेथिखौ बांहोनो आरो

हारिमुवारि बिरासतखौ मोन्दाथिनानै हादरगिरि द्रौपदी मुर्मु आरो गागि सान्थियारि मख'जाथाव सुबुंफोरजों सावरायो। हान्जाआ 12 नभेम्बर 2024 आव इम्फलसिम सौफैफिनगोन। बे दावबायनाया फरायसाफोरनि थाखाय गुबुन गुबुन हारिमुवारिफोरजों सरजाबनाय आरो हादर सिडव आंगोथि सानसिखौ गोखौ खालामनो थाखाय मोनसे जौसां महरै हाबा मावो। भारतयारि सान्थिआ बेबादि थांखिवां हाबाफारिनि गेजेरजों माहारियारि खौसेथिखौ बांहोनो आरो लाइमोनफोरनि गोसो-मेलेमखौ गोखौ खालामनो थाखाय गावनि बिबानखौ मावफुलाडो।



# बहुत सोदोबआ बबे रावनिफ्राय फैनाय आरो बेनि ओंथिआ मा!

जों माखासे सोदोबफोरखौ सरासन्नायें बाहायो आरो बे सोदोबआ जॉनि आंगो रावनि नड, मालायनि सोलाव लानाय राव। नाथाय बेफोर बादि माखासे सोदोबआ ऐरेबादि बाहायजाबायदि, बेफोरो जॉनि आंगोसे। बेराफासे माखासे गावनि सोदोबखौनो जों गुबुन रावनि सान्नायें लाफ्लाडो। माखासे गोबां सोदोब दड, जायखौ जों सानफ्रोमबो बाश्रा रायज्जायनायाव बाहायो। नाथाय गुबैयें बे सोदोबआ बबे रावनि, बेयो माबोरें सोमजिखानाय आरो गुबैयें बेनि ओंथिया मा बेखौ मिथिया। मख 'जाथावदि, आथिखालनि बिगियान मुगायावबो गोबां सुबुंफोर दड, जायफोरा बुहुत-फेथा होन्नाय खोनाब्लानो गोर्जासिड मोनो। बेनि बाश्रा रायज्जायब्लानो गिनानें गोर्जासिडखाडो। जाय सोदोबखौ



खोनाब्लानो जों गिखाडो बे सोदोबआ बबेनिफ्राय फेदें? बेनि ओंथिआ मा? गोबां सुबुडानो बेनि फिन्नायखौ होनो हाया। दिनें जों बेयाव बुहुतनि गुबै ओंथिखौ गुवारें मिथिगोन। भुट सोदोबखौ मोनसे एरैबादि जिउनानि थाखाय बाहायजायो, जाय थैनायनि उनाव जाय मुलुगआव सौहेयो बेयावनि, नाथाय बिहा जॉनि बादि देहा सोलेर गैया। गुबैयें बुहुत

सोदोबखौ गात्रि जिउमाफोरनि थाखाय बाहायहोदों। बे सोदोबनि ओंथिनि बाश्रा बुडोब्ला बुहुतआ मोनसे संस्कृत सोदोब जायनि ओंथिआ जाखानाय एबा थांखानाय, जाय अस्तित्व एबा मोखथां मुलुगनि अनगायै गुबुन मुलुगआव सौहेबाय बिनो बुहुत। बेनि जाहोनादि, थांखानाय समखौ दिन्थिनो ताखाय हिन्दीआव बुहुतकाल होन्नायें बुडो। बेनि

ओंथिआ जादों जिउमाया गुबै महरनिफ्राय ओंखारलांबाय आरो बेखौ जों सुबुंफोरा बुहुत होन्नायें बुडो। इंग्रजिआव बुहुतखौ घस्ट होन्नायें बुडो। बे सोदोबआ इंग्रजिब्लाबो बेयो गोबां राव आरो हरिसुनि गेजेरजों बारबोना बेयाव सौफेदों। सा इरपआव 1300 माइथायनि काथि-खालायवाव बाहायजाय राव अल्ड नर्सआव geisa सोदोब दडमोन, जायनि ओंथिआ बोराबनायमोन। उनाव बेयो ghoisdo-s जाफैयो आरो बेनि ओंथिआ रागा जॉनाय जाफैयो। लासै-लासै बेयो जार्मान हरिसुआव gaistaz जाफैयो आरो गोजाम इंग्रजिआव gast जायो, जायनि ओंथिआ गिनाय। बेनिफ्राय गुस्तायबोना ghost जाफैयो, जायखौ बुहुतनि जायगायाव बाहायनाय जायो।

# रंजालि गथ'फोरनि सौरा

## महर गोसा

दंला आथिखालाव महर गोसा मोनगोन नोगोद साब्रे साबा हौवा दंसै मालाय अननाय अनथोब हरखा जायहा दं दाव खौवौनि गारां हर गेजेर गेजेर रायज्जायहरनो हायो रैसुमै गोदे सिमां महर गोसा जायहा दं बिसोरहा दं रां रुफा हरग्रा बुरजा मुगाया जादों दिन्थिनाय गावबा गावनि महर मोखां महर गोसा जाब्ला.....

अमृत खेरकातारी

## नोंनि थं नायगिरनानै

नोंबो मिथिखगौमोन नडना? आं नोंनि अनगा फागोला जागोनखौ? दिनें आं गोसो हगारसारनानै लामानि बिबायारि खुगायाव गैया जेबो आदार-दं खालि नोंनि मुं आरो थंनि हांखुर।

नों जायखारलांबाय आंनि आन्दोनिफ्राय आं'बोध' होखादोंमोन इसारा गोथार जुलनि रनसायनाय सावगारि जुलनि मन्दबआव रजे नोंनि आखायाव दिनें आंनि नड सोरनिबा आखाय।

नोंनि खोरं दिनेबो नायगिरो आं नों एसेबो गोसोखांथाराखैने बै दैथुनखौ? जों लोगो हमग्रा बै दैसानि बिफां सायाआव रजे रावनिबो जरा बेरायफैलिया-हाग्रा दुफवजोबबाय।

नोंनि खौरं लानो आं दाबोने हांखुर नोंदि फोरमायलाडखै आंनि गोरोन्थिखौ मा जाहोन दंमोन रजे आंखौ नागरलांनायनि नोंनि थं नायगिरनानै सुरदों आगान-फिन्नाय मोनो गावखानाय सोमोन्दोनि।

गलाप खुंगुर बसुमतारी, क'क्राझार।

## गोर्बोनि आरासियाव नों दाबो

गोसोखाला होत्रानैनो थानो हायाखै आं, नोंखौ रजे नोंनि खोथा साना लासैनो गोर्बोआ गोजोनाखै... आंनि गोर्बोखौ फोथेना नों थादोंमोनब्लाबो... रुजुजायै नोंनि महरा गेले फैयो दाबोने आंजों साया-माया, नुफा-माफा।

मोन्दांथिफोराव नोंनि गोर्बोनि अन्नायफोरा दाबो रिंखाडो आंजों! गोर्बो इंसिनि बिसम्बियाव नों आंजों लोगोसे थानाय समाव आंनि खन्थाइनि सोदोबफोरनि नोंनि गुमुरफोरा... दाबो बिलिर फैयो आंखौ सोदोबनि खबाम महरै।

गोर्बोआव नोंनि रैसुमै गारांनि देखोआ दाबो रिंखां फैयो मिर्जिनिफ्राय नों..., आनज्जायनायै थानो नागिरोब्लाबो दाउ खौओआ बरायना लाबोनाय बै बैसागुआ सफैब्लानो आंबो नोंखौ गोसो खांफ्लाडो... नोंनि अन्नायफोरा आंनि गोर्बोआव रिफि फैयै मानोना, बै बोथोर गोदानावनों नों आंनो, आंजों जुलि जानायनि रादाय होदोंमोन।

नों आंनि गोर्बोआव नुजा फैनाय नों आंखौ रायदाव फेफिन्नायाव आं दा नोंखौनो नेनानै थायो नोंखौ आंनि गोर्बोआव फेफिन्गोन मिर्जिजों।।

आलेरा बर' बर' बाजार सोलोसालिमा, चिरां

## गाबोननि जिवा आंनि

जिउनि मुखुव बुब्लियाव सोरनिबा गाबनाय सोरनिबा मिनिनाय सोर मिथिनो? सोर बुजिनो? सैनानाय जिउनि दुखु-दाहा। मोननायनि खुसियाव मोनेनि दुखुवाव खोमाना लादों सोरबाया सोरनिबा खाफालनि बराद...! जिउनि हाथिनाय लामायाव बयहाबो गावबा-गाव उन-सिगां नायहरलायनो सम गैलिया जालादों...। बेनो जिउ बेनो संसार सुबुं माहारिनि, मेगनजों नुनाय दांग्रामना मोनदानाय गोथों लामानि गिबि आगान।

-पबित्र ब्रह्म, एम.ए

## आवगाय लां

आवगाय लां आवगाय लां हारसिडै आवगाय लां, दासान नों हारसि नड नों हारसि। बयजोंबो गोरोबना था आरो बयनिबो गेजेराव था नाथाय हारसिडैदाथा, बयनिखुडुबो सिगाडव था अब्ला जाफुंसारगोन जिउनि हाबिला। मोखाडव मा दं दानाय मोखाडव जि मोनो बुधुमना ला, जेना फोरखौ फानज्जाय हर मोजां फोरखौ बोन्थुमनानै गात्रि फोरखौ फिनज्जाब गारहर। गारबोनाय बुब्लिखौ दागोसोखां गेदेमा फोरनि बाश्राखौ बेसेन हो, नाथाय थिरांथाखौ हारसिडैला गुबुननि बाश्रायाव ज'लाय सिखालाय दाखालाम। सोलेरनि सायखंखौ नुनो हागौ नाथाय गोर्बोनि सायखंखौ नुनो थाड, खामनि सोदोबखौ खोनानो हागौ नाथाय गोर्बोनि गाबनायखौ खोनानो मोना। सोरनो फोरमायगोन गोर्बोनि बाश्रा सोरनो खोना संहोगोन जिउनि जारिमिन, थाफादेरा रावबो लोगोआव निदाननि समाव बयबो एंगारो सुखुनि समाव बयबो बरायो। सोलायनो रोडैबेनो सुबुनि आखुथाइ जानो हागौ अबलावरिनि बेनो माया, बेनिखायनो हारसिडै आवगाय लां आवगाय लांबाय था।

पबित्र ब्रत दैमारी ग'लाघाट

## बिदिन्थि

सोमखोर नोंनि गोर्बो जाहाराव बिरबायनो लुबैयो आं सिखिरि जाना, मोफ्लामगासे जिउनि गाबगोनॉं फावथिनाखौ दैदेननो नाजायो बिदिन्थाजों गोरोबना।

सायख'नाय, बिजिरनाय जिउनि समफारिया जिउ दाफुंनायनि मोनसे हाथियार, गैया बेयावहाय मुगैनाय, नासयनाय दडबोल' अराय जिउनि देरहासारनाय।

निदानआ फैयोब्लाबो सानसे गिर्दिलांफिगोन बै समखौ नों नेथ 'नांगोन, सहायनाय गोसोनि थार मोनदाथिया थारिखिसिम सहैनायनि मोनसे बिदिन्थि।

निजोम बर' पश्चिम पानेरि, अदालगुरि

## फैमाल

बेसेबांबा गोबाव सम बारलांबाय आंनि नोंखौ मोजां मोन्नाया। मा होन्नायें फोरमाय बावनो रजे आं नोंनो, गोसो आंनि बोदोर जालांबाय, गोसो आंनि खामरिल लांनांबाय मिर्जि आंनि फैमाल जालांबाय। गोसोयावल' थासै आंनि आंनि जिउजों नोंखौ मोजां मोन्नाया। जानांबाय आं बारसे लहायनाय बिबार बायदि। सिमन्ने-सिमन्ना फागुननि बारजों बुसोम जाबाय रजे आंनि जिउआ। गोसोआल' खामरिललांसै जुजायनि अर बायदि दोहो दोहो। गेलेफै रजे नों आंजों सिमाडाव फोजाफै रजे नों आंजों सिमानि रानि जानानै। गोजोन हौफै रजे नोंनि फंसे गोदै रावजों आंनि गोसोखौ।

मिस बिबारी बर' गामि:- बालाथडा।

## गोदान आबहावा

हायरे ! बे मुगायाव संसारनि बोहैथि दैया मासेबां गुबुंले, थरथिसे गोगो नागिरनानै मोननो गोब्राब; आनान ग'साइयाखि गुबुंले दैजों खुसि जागोन, बेफोर दैखौ लोंब्लाखि सुबुनि देहाया गोखों जागोन। बेखायनो नामा बे जिउआ थोजासे आदार मोनजायै, गावनि बिगोमाजों नायस 'नजायै बेगेंजों बिगुरजों जानाय लामानि सैमा फाखि!! आंखौ सोर जोनोम होयामोन आं मिथिया, आंनि आफाया मा बायदिमोन आं सिनाया; खायसेबा बुडो-आंलायनो माइबारिनि फिसाज्जा, आरो खायसे बुडो-आंलायनो मोब्लॉनि मोखांसे नाथाय दिनें आंदि मोदाय गथ'(Basterd)। मालाय बिजय, पिंकि मोनहा बिमानि आहार मोनजानानें देरदों, मालाय बिफानि फाफिलयाव गाखोनानै गराइ दाब्रायानो मोन्दें; थेवबोदि बिसोरनि आंथि-आखायफ्रा मोनिया, बिसोरनि बिखाया लांदां एलबाम। गोगो दै नागिरब्लाबो मोनैयाव आं आनान ग'साइखौनो सिबिनो हाया जाबाय, देहायाबो लोरबां-थोरबां जाबाय, खुगायाव आवरायो फेथेर-फेथेर आर 'ज गोसोयासो थिर नड मानोना आनान ग'साइयाबो खेबसेखौ खोनासड, बिनि खोमायाबो सोरबा रां कुबीरजों थुलासो माथु जाबाय नामा! नाथाय दाबो दावखायादि फुराखै, दावब 'यादि गोसोम गाब गायाखै दैयाबोदि साहाथिं बोहैयाखै।

मुस्त्रि सनिराम बसुमतारी

## सोरं रोदानि बिन्दोसिम

नेनानै दं मोन नोंखौ सना गावदां अखाफोरनि समान नोंखौ नुजागोन साननानै पुर्निमानि सोरां गुसु बार सोलेरखौ बिलिरफैनो नेनानै दं लांगोनानि बिबार बागानाव सना दा थं नों गोजान नि ग्रह'आव नुयो जेब्लाबो नोंनि महर थाइने मेगन आव जाखां फैबाय थायो सना सावगारिफोरा खारदिदों आरो खारदिदों.... अखाफोरनि फ्रि फ्रि अखानि अखा थंब्लेद सिम सना नों मोजाडैदं ना सना औ,दं नों मोजाडैनो अनलाय नायनि बेन्दें थांखि हाबनानै दं सना नोंनि गोमोथाव मुहिनि हाइना सारफावनाय बेसेदि समायना हाइना गोनां सोदोब बिहुं आवबो नागिरनानै मोनफुंनो हानाय नड नोंनि समान रुजुनो, बे मुलुगा आरो मुलुगायैनो दं आरो बिदिनो.... थु रजे जोंबो आगान से सुरनो थु रजे जोंबो गंसे गोदान अखां दानो थु रजे जोंबो बेखेवनो गोरबोनि सानरेब थु रजे जोंबो....., सोरां रोदानि बिन्दोसिम.....

इउनसा बर' अदालगुरि

## आथिखालनि मावदिन्थि

हारि बोखानायायनि मुखुबथियाव मुंख्लंफोरखौ हागोन दा गोजोन होनो आथिखालनि मावदिन्थि।

सबिराम बर' रावां, बागसा

## रजे

रजे आं दिनें आला दिड जाना दं नोंखौ लाना गोसोया मानोबा उरां-फारां जेब्लाबो नोंनिनो मिर्जिं। मा एसे हायना महर नों रजे फेरलेबसे नेरसन नों आंगोनि बारसे बिबार, महराव नोंनि गोजाव नाडो आडो हाया जायो थाथेरनो नोंखौनो सान्ना। आडो रजे जेब्लाबो सिमां मोकथां बे लाथिख' राइजोयाव नोंनिनो सिमां रजे।

दिफक नार्जारी गामि:- नं 3 दक्षिण माक्रा ला:सो:- सिलबारी आबादिफार जिल्ला:- चिरां।



## बांलादेशआव हिन्दुफोरनि सायाव अनागारि खालामनायनि हेँथा गोख्रों धर्ना खालामदों

गोदान दिल्ली, 3 नभेम्बर : भारतनि न'सु'से हादत बांलादेशआव जेब्लानिफ्राय राजखान्थियारि गुलुं-गुजुं सोमजिदों बे समनिफ्रायनो हिन्दुफोरनि सायाव गग्लोबनाया गोख्रोंसिन जादों। अदेबानि बेफोर गग्लोबनायखौ लानानै बांलादेशआव अजदबो सिखादों। लोगोसे आमेरिकानि बारग' हादतगिरि आरो रिपाब्लिकान पार्टीनि बिजाथि उनालट ट्राम्पआबो बांलादेशआव हिन्दुफोरखौ इनाय-अनागार खालामनायखौ सोंखारिदों। बे समावनो गोबां अन्जिमानि सुबुंफोरा लामायाव ओंखारना हिन्दुफोरनि सायाव अनागारि खालामनायनि हेँथायै बांलादेशआव धर्ना खालामदों। खौरानि बायदिब्ला रेलि खालामनाय अन्तरिम सरकारिसिम इसेल' सुबुं अन्जिमा गोनां हारिफोरनि



रैखाथिनि थाखाय आइन बानायनो आरो खुं थायाव बिसोरनि थाखाय मिनिमाम थान्दै सायख'नानै रोखा खालामनायजों लोगोसेनो गोबां आर'ज खालामदों। हिन्दु नोगोरारि दैदेनगिरि चारु चन्द्र दास ब्रह्मचारीआ खौरांगिरिनि सिगाडव बुडोदि, बेयो जोबोद दुखुनंथाव

बोसोनगिरि परिपदआ हिन्दुफोर भुगिनांनय अनागारखौ गनायथिना लाया। आं बिसोरनि सायाव अनागार जानायखौ नुनो मोन्दों। बिसोरनि मन्दिरफोर, फालांगिफोर आरो न'फोरव जेना गोनाडै गग्लोबनाय आखु आरो अनागार माननायखौ नुगासिनो। महम्मद युनुसनि दैदेननाय अन्तरिम सरकारआ हिन्दुफोरनि

हेँथा बेफोर जाथायफोरखौ गनायथि होदों होन्नाबो चारु चन्द्रआ बुडो। अदेबानि बेखौबो बुनाय जादोंदि, माखासे गग्लोबनायफोरा धोरामारि थुलुंगा नडामोन, बेफोरो राजखान्थियारि थुलुगाजों महर मोन्दोंमोन। बांलादेशआव जेनाया बै समाव गोब्राबसिन जायो जेब्ला चटागावआव

इसेल' सुबुं अन्जिमानि मोन्थाइखौ लाना धर्ना खालामनायाव बाहागो लानाय सा 19 सुबुंफोरनि हेँथायै हादत बेरेखा दाय जाबसिनो। बिबानगिरिफोर बिसोरनि सायाव गेरुवा गाबनि फिर्फिला हिन्दु धोरामनि नेसोनारि गाबखौ गोजौसिनाव दोन्ना बांलादेशनि माहारियारि फिर्फिलाखौ अपमान खालामदों होन्ना दाय जाबसिनो। आमेरिकानि बारग' हादतगिरि ट्राम्पआ दिवालीनि गाहाम हामब्लाइथि बाडानानै सशेल मिडिया प्लेटफर्म एक्सआव बांलादेशनि हिन्दु, खृष्टान आरो गुबुन माइन 'रिटिफोरनि सायाव अनागारियै खालामनाय हिंसाखौ सोंखारिदों।

गोदान दिल्ली, 3 नभेम्बर: हा सा एबा अखोंआव जायमानो आमेरिकाजों गोख्रों बादायो होनोब्ला बेयो जादों चीन। माखासे आयदायाव चीनखौ बुनो जेबो सोदोव गैया जायो। हाइपारसनिक मिसाइलनि उनाव चीनआ हाइपारसनिक प्लेन बानायगासिनो। थारैनो बेयो सैथोदि, चीनआ गंसे एरैबादि प्लेन बानायगासिनो, जाय 7 घन्टायावनो गासै बुहुमखौ गिदिखन्तो हागोन। बेइजिनि कम्पनी स्पेस ट्रेन्सपर्टसनआ गावनि युंकिंस प्रटयइप उरांखौ गिबि खेब जाफुंसार टेस्ट खालामदों। बेयो मोनसे कमांसिएल एयारकेफ्ट, जाय मेक 4 नि गोख्रैथिजों उरायो। बे हाइपारसनिक प्लेननि गोख्रैथिआ घन्टाफ्रोमआव



3,069 माइल एबा 5,000 कि:मि: जागोन। बेयो रिटयार जाखानाय कनकर्ट उरानिफ्राय 2 गुन गोख्रैथै खारो। सुपारसनिक कनकार्डआ घन्टायाव 2000 कि:मि: गोख्रैथिजों उरायोमोन। बेनि सोदोबनिफ्राय गोख्रैथिआ 2 गुन बांसिनमोन। सुलुंनि बादिब्ला, बे हाइपारसनिक उरांआ लन्डननिफ्राय नियुकरसिम 1-15 घन्टायावनो सौहैनो हागौ। चीनआ बेनि सायाव खामानि मावगासिनो दड। बेखौ बेइजिनि स्पेस ट्रेन्सपर्टसनआ बानायदों। कम्पनीखौ लिंक तियानकिंस टेकनलजी पुडैबो मिथिनाय जायो। फेगौ नभेम्बरआव बेनि इन्जिनखौ खेबसेबाव आन्जाद नायनाय जागोन। कम्पनीआ 2027 सिमआव फुल साइजनि सुपारसनिक पेसेन्जार जेटखौ गिबियै उरायहोनायनि थोखि लादों।

## लक्ष्मण-आयध्या हाइवेआव गोदान टल सिस्टेमआ जागायसिगोन



लक्ष्मण, 3 नभेम्बर : भारतीय माहारियारि राजा-लामा अट'रिटि (एनएचएआइ) नि राजा-लामाफोरव जागायनो गोनां गोदान टल बेब'स्थाआ बयनिखुडुबो सिगां लक्ष्मण-अयध्यानि गेजेराव ट्राइल महेरे जागायजागोन। बेयाव मोजों फिथाइ मोनोब्ला गुबुन राजा-लामाफोरावबो थाबैनो बे सिस्टेमखौ गोहोम गोनां खालामनाय जागोन। लक्ष्मणनिफ्राय अयध्यानि गेजेराव 120 कि:मि: जान्थायाव ग्लबेल पजिशनि

सिस्टेम (डिपिएस) जों गारिनिफ्राय टल टेक्सखौ अट'मेटिक दान्नाय जागोन। बे गोदान टल सिस्टेमाव सेटेलाइटनि मदतजों टलखौ सान्नाय जागोन आरो जेसेबां कि:मि: नोंथाड दावबायगोन बेखिनि टेक्सखौ नोंथाडा होनांगोन। लक्ष्मण-अयध्या लामायाव थाबैनो अट'रिटि अट'मेटिक नाम्बार स्पेट रिक्मनाइजेशन (एनपिआर) खौ स्केन खालामग्रा केमेराखौ

जायगा-जायगा लगायनाय जागोन आरो बेफोरो सेटेलाइटजों कानेक्टेड जागोन। आथिखालाव माहारियारि राजा-लामायाव गारि लाडोब्ला 60 कि:मि: नि टल टेक्स होनांगौ जायो। लामा हान्था-मेलआ आरो राजा-लामा मावख'आ फेगौ 5-10 बोसोराव टल प्लाजाखौ बोखारनो नाजादों आरो बेनि जायगायाव जिएनएसएसखौ आबुडै बाहायगोन। बेजों कौटि-कौटि रानि खाजोन,

जायखौ गावयारि कम्पनीया टेन्डर लानानै मुलाम्फा लायो। बे रांखाथिया सरकारनि खोजोनायाव थंगोन। टलआव टेक्स दान्नाया किल'मिटार हिसाबै लाजागोन। फास्ट टैा सिस्टेमखौ फोजोबना गारिफोरखौ अन बर्ड इउनिट डिभाइस लगायनाय जागोन, जाय दावबायनायनि थि जान्थायनि सायाव बिधा खालामना टलआ थि खालामजागोन। टायेलआ जाफुंसारनायाव एनएचएआइआ अयध्यानि उनाव लक्ष्मण कानपुर, लक्ष्मण-सितापुर, लक्ष्मण-रायबरेलि हाइवेआव बे हाबाफारिखौ आजावगोन। गोदान राहायाव एनएचए टेक्सआव 20 कि: मि: सिम टेक्स फ्रि दावबायनो हागोन। पेमेन्ट प्रग्रामखौ आथिखालाव फारस्टेग एकसिस्टेम बायदिनो जौगाखां होनाय जादों, जाय थोंजों बेंक एकाउन्टजों कानेक्टेड जागोन।

गोदान दिल्ली, 3 नभेम्बर : गोजौ सोलेंथाइ लानायाव फरायसाफोरनि खिखरसालिनि जेनाखौ जानगार खालामनायाव मिरु सरकार जाफुंसारनो हाबाय। आथिखालाव हादतनि 97.5 जौखोन्दोनिखुडु बांसिन फ राय सारि ल फोरनि फरायसाफोरनि थाखाय आलादा खिखरसालिनि सुबिधा दंसै। मिरु सरकार सुप्रिम कर्टनो गथाइनाय गावसोरनि गोसोखानायाव फोरमायोदि, हादतआव सरकारि, सरकारि हेफाजाब मोन्नाय आरो सरकारि नडै फरायसालिफोरजों लोगोसे 97.5 जौखोन्दोनिखुडु बांसिन स्कुलफोराव फरायसाफोरनि थाखाय आलादा खिखरसालिनि सुबिधा होखांबाय। मख'नो गोनांदि, गोजौ सोलेंथाइयाव फरायसालिफोरनि फरायनाय नागारनायनि मोनसे गिदिर जाहोना बिनि थाखाय आलादा खिखरसालिनि सुबिधा गैयामोन। मिरुआ बे गोसोखालाइखौ सुप्रिम कर्टनि बिथोननि उनाव थिसन्दों। सुप्रिम कर्टआ मोनसे सुबुं



जौगाखां आर'जलाइनि सायाव हियारि खालामनाय मिरुनो हादतनाडै गासै सरकारि हेफाजाब मोन्नाय आरो हस्टेल थानाय सोलेंसालिफोराव फरायसाफोरनि अन्जिमानि बायदिथै खिखरसालि बानायनो थाखाय माहारियारि मडेल थियारि खालामनो बिथोन

होदोंमोन। सुबुं जौगाखां आर'ज लाइआव मिरु आरो राइज्योफोरसो थाखो 6 निफ्राय 12 सिमनि फरायसाफोरनो फ्रि सेनिटारि पेट होनो आरो गासै सरकारि, सरकारि हेफाजाब मोन्नाय आरो हस्टेल थानाय फरायसालिफोराव आइजोफोरनि थाखाय आलादा थियारि खालामनो बिथोन

खालामनो थाखाय बिथोन होनो दाबि दैखाडो। बेनि सोमोन्दै मिरुआ सुप्रिम कर्टनो फोरमायनाय बायदिब्ला, दिल्ली गवा आरो पडुचरी बायदि राइज्योफोर आरो मिरुजों खुंजानाय राइज्योफोरा 100 जौखोन्दो थोखिखौ जाफुंहोना हाबाय।

## व्हाटसएपआ भारतआव 85 लाखनिखुडु बांसिन एकाउन्टफोरनि सायाव होबथानाय जाबसिन्ना होदों

गोदान दिल्ली, 3 नभेम्बर: व्हाटसएपआ भारतआव नेम-खान्थिफोरखौ सिफायनाय केसआ नुजाथिनायाव थानाय सेप्टेम्बर दानाव 85 लाखनिखुडु बांसिन बेड एकाउन्टनि सायाव होबथानाय जाबसिन्ना होयो। गोदान आइटि नेम-खान्थि 2021 नि गेजेरजों इन्टरनेट मिडिया प्लेटफर्मनि दानसेयारि कमप्लेन्सनि रिपटयाव बेनि खौरां होयो। 1 निफ्राय 30 सेप्टेम्बरनि गेजेराव कम्पनीआ 85 लाखनिखुडु बांसिन बेंक एकाउन्टफोरनि सायाव होबथानाय जाबसिन्ना होयो आरो बाहायगिरिफोरनि एक्टिभयै होबथानाय जाबसिन्ना होदों। मबाइल मेसेजि प्लेटफर्मनि भारतआव 60 कौटिनिखुडु बांसिन



बाहायगिरिफोर दड। कम्पनीआ हादतनाडैनिफ्राय मोन 8,161 अजदफोर मोन्दों आरो बेयाव मोन 97 नि सायाव एक्शन लानाय जायो। एक्शन लानाय एकाउन्टआ बै अजदफोरजों सोमोन्दो दड; जेराव व्हाटसएपआ गोख्रोडै नायबिजिरदों। व्हाटसएपनि बायदिब्ला, अजद दैखांग्राम कर्मिडिनिफ्राय मोनै बिथोन मोन्दोंमोन, जायखौ कमप्लेन्स होनाय जादों।

कम्पनीआ बेनि सोमोन्दै बुडोदि, जों गावनि खामानि मावनायखौ सोलिलांहाबाय थागोन आरो इयुनि रिपटफोराव गावनि नाजानायफोरखौ नोजोर लाखिनो थाखाय इन्जिनियारफोर, डेटा बिगियानगिरिफोर, नायबिजिरगिरि, आयेन सामलायग्रा, अनलाइन रेखाथि आरो टेक्नल'जि जौगाखां जरखगिरिफोरनि मोनसे हन्जाखौ थिसनो।

## इजराइलनि उरां जाहाजजों गाग्लोबनायाव सा 42 फिलिस्ताइनफोरनि जिउ गोमादों

जेरुशालेम, 3 नभेम्बर: गाजायाव थाखोमानाय हमासनि उतरखारिफोरनि हेँथायै इजराइलनि नायबिजिरनाया सोलिगासिनो दड। गाजा पट्टीआव नुसिरात रिफुजि केम्पआव इजराइलनि उरां जाहाजजों बम गावनायाव खमैब्लाबो सा 42 फिलिस्ताइनफोर जिउ गोमायो आरो सा 150 निखुडु बांसिन जोखोम जायो। फिलिस्ताइननि रैखाथि सुलुंफोरा शनिबारखालि बुडोदि, इजराइल सान्थिआ शुक्रबारखालि फुनिफ्राय उरां जाहाज आरो तपखोन मोननैजों नुसिरातआव थानाय नसायाव बम गावगासिनो दड। गाजा सरकारनि मिडिया मावखबे गग्लोबनायफोरखौ सोंखारिनानै बुडोदि, बेयाव गथआरो आइजोफोरजों लोगोसे नोगोरारिफोरखौ गोसो जानानै नोजोर होदों आरो हारिमायारि फोलेरफोरखौ गाजानि नोगोरारिफोरनि हेँथायै बे नायबिजिरनायखौ होबथानो थाखाय इजराइलनि सायाव नारसिननो खावलायो। बेराफासै



इराननि साबसिन दैदेनगिरि आलि खमिनेइआ बुडोदि, गेजेर इजराइलनि टिरा सहरआव हिजबुल्लाहनि रकेटजों गग्लोबनायाव सा 11 सुबुंफोरा जोखोम जायो। इराननि मददगिरि हिजबुल्लाहआ बे गारलोबनायखौ लेबाननिफिया खालामदोंमोन आरो बेजों टिरा सहरनि 3 ताला बिल्डिं भवनआ सिलिंखार जायो आरो खोला गाजायाव

गोदान दिल्ली, 3 नभेम्बर : दिवालीनि उननिफ्राय हादतनि माखासे गिदिर सहरफोरा आबहावा गुबुंले जों भुगिनांगासिनो दड। थानाय शनिबारखालि अमृतसरनि एभारेस्ट एक्युआइआ फिन खेबसेबाव 350 बारनानै सौहैयो आरो बेजों लोगोसे अमृतसरआ शनिबार खालि हादतनि बांसिन आबहावा

गुबुंले सहर जायो। दिवालीयाव पटका गावनायनि जाहोनाव हादतनि मोन 10 आबहावा गुबुंले सहरफोराव दिल्लीजों लोगोसे एनसिआरनि मोन 3 सहरफोरा थाफादों आरो लुधियानाय बेयो 339 आव सौहैयो। हादतनि आबहावा गुबुंले सहरफोरनि गेजेराव थामथि जायगायाव हारियागानि



जौन्दआ दंफायो, जेराव एभारेस्ट एक्युआइखौ 337 यै

दिखांनो मोन्नाय जायो। अमृतसरव थानाय शनिबारव

मेक्सिमाम एक्युआइआ फुनि 11 रिंगायाव 605 सिम सौहैयो। लुधियाना आरो जालंधरावबो मेक्सिमाम एक्युआइआ 500 जादों। दिल्लीयाव 24 घन्टानि एभारेस्ट एक्युआइखौ शनिबार बेलासिनि 4 रिंगायाव 316 यै दिखांनो मोनो, जाय फुनि 290 निफ्राय बांसिन। बेरा फारसे आनान्द बिहारव बेयो

400 निफ्राय गोजौसिम सौहैयो। सुलुंखव फोरमायनाय बायदिब्ला, राइज्योआव बृहस्पतिबाराव 484 क्रेस, शुक्रबारखालि 586 आरो शनिबारखालि 379 जायगाफोराव दाखोर दाला सावनायनि केस नुजाथिदों। राइज्योआव दाखोर-सावनायनि गासै अन्जिमाया 3,916 सिम सौहैदों।



## सरुपेटानि गुण गोनां आइजो फोरोंगिरि धरदा डेकाया अबथिरायै रुंसारि जाबाय

खामानि मावग्रा गपिनाथ गोजौ फरायसालियाव आसाम सरकारनि 4थि थाखोनि साखिनि थाखाय खुंनाय एडिआइ आन्जादयाव माव बिबान फालिनो थांबाय थानाय समावनो 31 नं. माहारियारि राजा लामा देनारटारि-राजाकाटयाव फुंनि 7:30 रिगासोयाव गुबुन गंसे गोखैथिजों फैनाय सिनायथिनो मोनै साखा खबनै मथर साइकेलाआ सौग्राव होनायाव स्कुटिजों लोगोसे धरदा डेकाया जाब्रबथायजों मोगा-मोगि जादोंमोन। जाब्रबथायाव गोब्राबयै जौखेम जानाय धरदा डेकाया गुवाहाटी दिसपुरनि जिएनआरसि देहा फाहामसालियाव फाहामथाय लाबाय थानाय समाव थानाय हरनि 7:00 रिगासोयाव जोबथा हां बोयो। मख 'नो गोनांदि, धरदा डेकाखौ स्कुटिजों लोगोसे सौखलायलानानै जाब्रबथाय सोमजिहोना मथर साइकेल सालायगिरिआ खारखोमा लादों। सरुपेटानि जर'खा समाज सिबियारि आरु सरुपेटा गामि पन्चायतनि बारग' आफादगिरि मनिन चौधुरीनि बिसि तरथा डेकाया रुंसारि जानाय समाव फिसाय, सासे फिसाज्ला, सासे फिसाजोजों लोगोसे माखासे आंगोनि अन्सायगिरिफोरखौ बे संसारनिफ्राय नागरलाडे। बिथांनि अबथिरायै रुंसारि जानायाव गपिनाथ गोजौ फरायसालिनि फोरोंगिरि, मावसुमा, फरायसाफोरजों लोगोसे गेदेर सरुपेटा ओन्सोलनि गुबुन गुबुन दोलो आफाद, समाजारि आफादफोर गोथौयै दुखु फोरमायनायजों लोगोसे ओन्सोलनि रइजो-राजाफोरनि गेजेराव गोथौयै दुखुनि साया साग्लोबदों। दिनै मोनाबिलियाव सरुपेटानि गोदान टाडलापारायाव माखासे अन्सायगिरिफोर, रइजो-राजाफोरनि नुजाथि फैनायाव धरदा डेकाखौ जोबथा मान होनाय जायो।

## कक्राङ्गारनि काउनीयाभाषायाव महापुरुष श्रीमन्त शंकरदेबनि 576 थि जोनोम सान फोबों खुदों

खुंनाय जादों। मैया सेथि साननि हाबाफारियाव खुंजायाव फुं समाव नाम आर'ज खालामनायनि उनावनो जिल्ला दालाइन गुबुन गुबुन गुदि आफादनिफ्राय भकत-बैण्णबफोरनि नुजाथि फैनायाव श्रीमन्त शंकरदेब संघनि गोथार धोरेमनि फिर्फिलाखौ जिल्ला दालाइन आफादगिरि मृगेन्द्र चन्द्र राय बापआ बेखेवना होयो। बेनि उनावनो हरिनाथ किर्तनजों भागबत लामा हान्जा सुरनाय हाबाफारि खुंनाय जायो। साननि 11:30 रिगायाव बरगित दिन्थिनयजों गेवलां धोरेमरि सावराय मेलआ जागायजेदों। जिल्ला नेहाथारि अखिल राय बापआ सामलायनाय मेलयाव आफादगिरि मासि सामलायदों जिल्ला आफादगिरि मृगेन्द्र चन्द्र राय बापआ। बारग' गाहाइ केपेन तपन कुमार रायआ आलासिफोरखौ सिनायथि होनाय आरु बरायनायनि उनावनो मेलखौ सोद्रोमा अशक कुमार भकत बापआ बेखेवना होयो। मेलयाव माननि आलासि महरै केएसिनि बुंथिगिरि हितेश्वर बर्मन, थांखिजानाय बुंथिगिरि महरै नलबारि जिल्ला दालाइन फोसावदि दालाइन सोद्रोमा बिरेन चन्द्र दास बाप, हांखाइजानाय आलासि महरै बइइगाव जिल्ला दालाइन सोद्रोमा भबेस्वर राय बाप, गाहाइ आफादनि फोसावदि दालाइन सोद्रोमा मधुसुदन कलिता बाप, आक्रासुनि कक्राङ्गार जिल्लानि आफादगिरि हेमेन राय, कच रजबंसि सन्मिलनीनि जिल्ला नेहाथारि माधाब राय आरु माखासे जर'खा सुबुंफोरजों लोगोसे गागि सुबुंफोर बाहागो लाफेदों। लोगोसेनो दिनै 3 नभेम्बरखालिनि जर'खा गोसो बोनो हानाय महरै साननि 11:00 रिगानिफ्राय बेलासिनि 2:30 रिगासिम भागबत फरायथिनाय आरु बिबुंथि होनाय हाबाफारियाव बुंथिगिरि महरै संघनि फोसावदि दालाइन आफादनि बारग' आफादगिरि श्री जगत चन्द्र भनिया बापआ नुजाथि फेदों। साननैनि हाबाफारियाव माखासे भाकत-बैण्णबआ नुजा फेगानै हाबाफारिखौ जाफुंसार महरै खुंनायाव सिबिथाय होयो कक्राङ्गार-चिरां जिल्ला दालाइन सिबिथाय हान्जानि सिबियारिफोर।

## रुपधि हाथायाव बेसेननाडै मेगननि फाहामथाय बादा खुदों

आलासि महरै बाहागो लाफेदों खोला बिजनी सिनियर सेकेन्डरि फरायसालि आयदा फोरोंगिरि सत्यजित बर'आ। मख 'नो गोनांदि, गुवाहाटीनि श्रीमन्त शंकरदेब नेत्रालयनि फाहामगिरि फारिखै तानिया दास, इसिता पाल, रिमि डेका, कल्यानी बसुमतारि, आरु प्रान्जल डेकामोनहा फाहामथाय बादायाव फाहामथायनि सिबिथाय होयो। बेसेन नाडै मेगननि फाहामथाय बादायाव सा 300 निखुइबो बांसिनि मेगननि बेरामाव सन्देरजानाय बेरामजानायफोरनि मेगनखौ आन्जाद नायनायजों लोगोसे मुलियारिफोरखौबो गथायना होदों। बेनि अनगायै माखासे बेराम जानायफोरखौ इयुन समाव गुवाहाटीनि श्रीमन्त शंकरदेब नेत्रालयसिम लानानै बेसेन नाडै गोजौ फाहामथाय होनाय जागोन होनानैबो बान्जायगिरिफोरा फोरमायदों। मख 'नो गोनांदि, काजल चौधुरीनि मदत होनायाव खुंनाय मेगेन फाहामथाय बादा खुंनाया मोनसे बाख्नायथाव थांखि होन्ना मख 'नानै फाहामथाय बादायाव काजल चौधुरीखौ 'सिमान्त चेतना मन्च पुबर्त्तर'नि बाक्सा जिल्ला आफादआ मान बिलाड़, गामसाजों जर'खायै बराय मान बाउदों।

## बाक्सानि खामरिगावआव बिमा बिफाया गावनि थाम बोसोर बैसोनि गथ 'खौ गुबुननो फानहरदों

दुखु नांथाव आरु मुगैथाव जाथाया सोमजिदों। निखावरि आरु नख 'रारि दावराव-दावसिनि थाखाय बिमा-बिफाया थाम बोसोर बैसोनि गावनि आंगो जोनोम होनाय गथ 'खौ गुबुन नख 'रनो फानहरदों। मिबथिनो मोन्नाय बायदिब्ला, निखावरि आरु नख 'रारि दावराव-दावसिनि जाहोनाव खामरिगावनि धनजित राजवंशी आरु सुनुमणि राजवंशीआ गावसोरनि थाम बोसोर बैसोनि आंगो फिसज्लाखौ गुबुननो फानदोंमोन। धनजीत आरु सुनुमणिआ गावनिनो गथ 'खौ 7,000 रंआव बानेस्वर मुनि सासे सुबुंनि मददजों पानबारी गामिनि मोनसे नख 'राव फानहरनाय जादोंमोन। उनाव जाथाया सोराखव फैनायनि उनाव धनजित राजवंशीनि फंभाइआ थाम बोसोर बैसोनि गथ 'खौ न'आव लाबोफिनो, नाथाय पुलिसआ जाथायनि सोमोन्दै गुवार् मिबथिनो थाखाय जाथाय जानाय जायगायाव रबिबारखालि संहैयो। मख 'नांगोनदि, पुलिसआ सिगांनिफ्रायनो बे जाथायनि सायाव नायबिजिरनायखौ जागायखाबायमोन। सानफ्रोमबो हाजिरा खामला मावना नख 'र सोलिरा धनजित राजवंशी आरु सुनुमणि राजवंशीआ सानै गथ 'फोर दंबावो। फानहर जानाय गथ 'नि जौ लोंग्रा बिफाया फोरमायना लानाय बादिब्ला, बियो गावनि गथ 'खौ फानहराखैमोन फेदेरनोसो हरदों बुंनानै लादोंमोनब्लाबो नाथाय बियो गथ 'खौ फानहरनानै मोन्नाय रंजों गंसे मबाइल फन बायनानै लादोंमोन होनानै मिबथिनो मोनाय जादों। बे जाथायखौ लानानै खामरिगाव ओन्सोलनि मेलेमजिबि सुबुंफोरजों लोगोसे रइजो-राजाफोरनि गेजेराव गोबां सावराय जानायखौ नुनो मोनदों।

## उदालगुरि जिल्ला बाथौ महासभानि माइनाव आफादनि 20थि धोरेमरि सावराय मेल

उदालगुरि जिल्ला बाथौ महासभानि आफादगिरि गहिन चन्द्र बर'आ। उदालगुरि बाथौ महासभा माइनाव आफादनि आफादगिरि तरलता दैमारीनि आफादगिरि मासि सामब्लायनायाव खुंनाय गेवलां मेलाय गाजि समाज सिबियारिजों लोगोसे खौरबारि बिटिसि बियाबनि एमसिएलए भुवन बर', बिटिसिनि बारग' मावफुं सोद्रोमा लोमस्राम दैमारि, कलाइगाव बिधान सभा बियाबनि बारग' एमएलए महेस्वर बर'जों लोगोसे बाथौ धोरेम सिबिग्रा गागि सुबुंफोरबो बे हाबाफारियाव बिबुंथि होयो।

## मरिगाव जोबथेसालिनिफ्राय खारखुमालानाय सामे कैदिखौ अन्ध प्रदेशनिफ्राय खादों

जिल्लानिफ्राय हमनो हायो। जयनाल इस्लामनि न'आ सनितपुर जिल्लायाव। जोबथेसालिनिफ्राय खारखुमालानायनि उनाव बियो गोलाव साननिफ्राय तिरुपति जिल्लायाव थाखुमाना दंमोन। दासिमबो गुबुन सानै कैदिफोर खारखुमाना दं। गुबुन फारसेंथि, आब्दुर रसिद मुनि खारखुमानाय गुबुन सासे कैदिनि बाबैसो सिमां जिउ गोमादों। बिनि गोथै सहखौ मरिगावनि लाहरिथातनि देवागुरि बिलआव बोखानो हायो।

## आसामआ गाहाइ मन्थिनि इन्टर्नसिप बिथांखिखौ बेखेवबाय

बे हाबाफारिया साखि नागिरग्राफोरनो भारतनि जौसिन 500 कम्पनीफोराव प्लेसमेन्टनि गेजेरजों आखायजों रोंमोन्दांथि आरजिनो खाबु होयो। गाहाइ आफादफोरनि बे नांजाबनायखौ इन्टर्नफोरनि जिउ राहायारि रोंग'थि आरु दारिमिननि गियानखौ बांहोनो थाखाय डिजाइन खालामनाय जादों। इन्टर्नफोरनो 12 दाननि थाखाय 5,000 रॉनि दानारि स्टाइपेन्ड होनाय जागोन, जाय 6,000 रॉनि खेबसे अन्सु'थाइजों सुफुं'जागोन। बे बिथांखिनि खाबुखौ मोन्नो थाखाय बिनायसाफोरनि बैसोआ 21 निफ्राय 24 बोसोरनि गेजेराव जानांगोन आरु उदायथि मानथाखोखौ आबुं खालामनो थाखाय थाखो 10, 12, आइटीआइ, डिप्ल'मा एबा ग्रेजुवेट उथ्रिनाय जानांगोन। गोसो गुदु आर'ज गाबगिरिफोरा रेबथुमनाय बिखान्थिनि समाव गोबां फोरमान लाइफोर गथायनांगोन, जेराव आधार कार्ड, सोलोंथायारि रोंगौथिनि फोरमान आरु नख 'रनि आयखौ गावनो फोसावनांगोन। इन्टर्नसिप बिथांखिनि थाखाय रेबथुमनायनि जोबथा समखौ फैगौ 10 नबेम्बर खौ थि खालामनाय जादों। बिनायसाफोरा pminternship.mca.gov.in अन लाइन आर 'ज खालामनो हागोन एबा हेफाजाबनि थाखाय गावसोरनि खाथिनि एमप्लयमेन्ट एक्सचेंजआव थानो हागोन।

## सामगुरिआव दुथांफोरा बिजेपि मावथिखौ गाग्लोबदों, कंग्रेसनि मावख 'खौ बुफायदों

केसाखाइति हाथाइनिफ्राय आकबर आली मुनि सुबुड मटर साइकेलजों गावनि न' फारसें थंबाय थानाय समाव हरखाबै सिनायमोनै दुथांफोरा बिनि सायाव गाग्लोबो। जाथायाव गोब्राबै जोखोम जानाय सुबुं'खौ थाबैनो कावै मारि देहा फाहामसालियाव थिसनहैनाय जायोब्लाबो, नाथाय देहानि थासारिया गोब्राब जानायनि जाउनाव उनाव गोजौ फाहामथायनि थाखाय नगावआव दैथाय हरनाय जायो। बे बायदिनो, गुबुन मोनसे जाथायाव, मैया शनिबारनि मोनायाव कंग्रेस दोलोनि गंधाम मावख 'फोरखौ बुफाय-बुसि खालामनाय जाथाया ओन्सोलाव सोमजिनय दुहाव थासारिखौ आरुबाव बांहोयो। रिपर्टनि बायदिब्ला दुथांफोरनि मोनसे गिदिर हान्जाया गरिफोराव फैयो आरु लावख'वा शान्ति बाजार, 4 नं बगामुख आरु 6 नं बगामुखआव थानाय मावख 'फोराव गाग्लोबनानै गोबां खहा खालामलाडे। बे हिंसायारि जाथाय गोसारनाया ओन्सोलाव बेनि थागिरिफोरनि रैखाथि आरु गाहामनि सोमोन्दै गोब्राब जिंगा सिखांदों, जायनि जाहोनाव ओन्सोलारि आयेन बाहायया आरु खुंथायारि मावख 'गिरिफोरा गेजेराव हाबनो गोनां जादों। दावराव-दावसिनि गेजेराव, हारि-माहारिनि सोद्रोमाफोरा राजखान्थिजों थुलुंगा होजानाय हिंसायारि जाथाया बांनयनि सायाव जिंगासिनाय फोरमायनायजों पुलिस खुंथाया मोनैबो जाथायखौ गोथौयै नायबिजिरनो थाखाय मोनसे नायबिजिरनाय हाबाफारिखौ जागायजेदों।

## आमसुनि कारिजा बिजनी दखरा आफाद दाफुंदों

आफादगिरि मासि सामब्लायनाय मेलाय आलासि महरै बाहागो लानानै बिबुंथि होयो। आमसुनि मिरुनि नेहाथारि, साइकुल इस्लाम खान, बाक्सा जिल्ला आफादनि आफादगिरि आब्दुल रहिम, लेडाइ आफादगिरि आलाल उद्दिन, सामसुल हक, गाहाइ नेहाथारि साहादत हुसेइन, बाक्सा जिल्ला आफादनि बारग' लेडाइ आफादगिरि आफसार आलि, खारिजा बिजनी दखरा आफादनि बोसोनगिरि आब्दुल कादेर, उकिल नाजिर हुसेइन, आमसुनि बाक्सा जिल्ला आफादनि लोगो नेहाथारि मफिदुल इस्लाम, फोसावदि नेहाथारि मकिबुल इस्लाम, नेहाथारि जयनाल हक मोनहा बिबुंथि होयो। बे सरसनस्त्रा मेलाय आतवार रहमानखौ आफादगिरि, ममिनुल हकखौ मावफुं आफादगिरि, साकिब आलिखौ गाहाइ नेहाथारि महरै लानानै सा 41 सोद्रोमा गोनां आमसुनि खारिजा बिजनी दखरा आफादखौ गोदानै दाफुंनाय जायो।

## गाहाइ मन्थि नरेन्द्र मदिआ हामब्लायथि बाउहरदों

बेखेवनानै होयो। मख 'नो गोनांदि, गाहाइ मन्थि नरेन्द्र मदिआ राव गोग्गाथाव सप्ताह खुंनायनि थाखाय आसाम सरकारखौ बाख्नायदों। राव गोग्गाथाव सप्ताहनि सेथि सानखालि गाहाइ मन्थि नरेन्द्र मदिआ आसामआरिनिमिम जर'खा खालायहरदों। गिबि मन्थि डू हिमन्त बिश्व शर्मानि 'एक्स' पस्टखौ रिपस्ट खालामनानै गाहाइ मन्थिआ बुंदोंदि, 'राव गोग्गाथाव सप्ताहआ जाबाय असमीया रावखौ क्लासिकेल रावनि मान होनायाव आसामनि सरसनस्त्रा सुबुंफोरनि थुलुंगानायखौ गोजोंसिन खालामनाय मोनसे मख 'जाथाव थांखि। आं साबायख 'र बाउयो। ' सप्ताहनि गेजेराव थांखि लानाय हाबाफारिफोरा आसामआरि आरु असमीया हारिमुनि फोनांजाबनायखौ गोखों खालामथों। आं आसामजों लोगोसे बाइजोयाव थानाय असमीया रइजो-राजाफोरखौबो बे हाबाफारियाव बाहागो लानो खावलायो।

## गोदान दिल्लीआव फैगौ 15 आरु 16 नभेम्बरआव साननैनि हाबाफारिजों खुंफुंनो थियारिसै "बड 'लेन्ड महत्सभ"

हाबाफारिजों खुंफुंनो लानाय बे फोबॉनि सायाव दिनै दुलाराय बर' फरायसा आफाद, बर' थुनलाइ आफाद, दुलाराय बर' हारिमु आफाद आरु गान्धी हिन्दुस्तानी साहित्य सभाया दिनै गोदान दिल्लीनि प्रेस क्लब अफ इन्डियानि मावखुलियाव मोनसे खौरंगिरि मेल खुंनायनि गेजेरजों फोबॉनि बागै माखासे गोनां बाथाफोरखौ मिबथि होदों। खौरंगिरि मेलनि गेजेरजों एबसुनि आफादगिरि दिपेन बर'आ हिन्दी रवजों फोरमायदोंदि, हादतनि राजथावनि गोदान दिल्लीआव गिबि खेबनि थाखाय खुंनो लानाय बे बड 'लेन्ड फोबॉनि गेजेरजों बर' हारिनि राव, थुनलाइ, हारिमुखौ दिन्थिफुंनायजों लोगोसे बड 'लेन्ड हालामनि दावबायथिलि, जिआइ-टेग मोन्नाय बर'फोरनि दोरोडारि जाग्रा मुवा-बेसादफोरखौ दिन्थिफुंनाय जागोन। बे फोबॉनि लोब्बायै दिल्ली सहरआव मोनसे हारिमुवारि हान्जा सुरनाय दिन्थिफुंनायबो जागोन। एबसुनि आफादगिरिआ फोरमायनाय बायदिब्ला, बे फोबॉं बेखेवनाय हाबाफारियाव 15 नभेम्बरखालि हादतनि गाहाइ मन्थि नरेन्द्र मदिखौ हांखायनाय जादों आरु दासानदि, पिएमअजों गाहाइ मन्थि नरेन्द्र मदिखौ बाहागो लाफेनो हांखायनायनि सावरायनाया सोलिरासिनो दड। बेनि अनगायैबो बे हाबाफारियावनो आसामनि गिबि मन्थि डू हिमन्त बिश्व शर्मा, मिरुनि मन्थि सरबानन्द सनवाल, बिटिआरनि गाहाइ मावफुं सोद्रोमा प्रमद बर'जों लोगोसे हादतनि गुबुन गुबुन फोथाराव खामानि मावनाय माखासे जर'खा राजखान्थिगिरि, आरिमुगिरि, फालांगिरि, खौरं बिजोंनि सोलोंथाइगिरि आरु जायगायारि आफाद गौथुमफोरनि दैदेनगिरिफोरखौ बे फोबॉं बाहागो लानो हांखायनाय जादों। हादतनि गाहाइ मन्थि नरेन्द्र मदिनि दैदेननायाव थानाय 2020 माइथायनि 27 जानुवारिखालि जालांनय जारिमिनारि बिटिआर गोजोन गोरोबथानि गेजेरजों बड 'लेन्ड हालामाव अरायथा गोजोन थासांरि सोमजिनयनि गुबुन मोनसे बाहागो एबा नेसॉन महरैबो बे फोबॉंखौ फालिनाय जागोन होनानै एबसुनि आफादगिरिआ खौरंगिरि मेलनि गेजेरजों फोरमायबावदों। बिथाइ फोरमायबावदोंदि, 16 नभेम्बरखालि बे फोबॉनि लोब्बायैनो बर' थुनलाइ आफादनि 73थि गायसन्थाइ सानखौबो फालिनाय जागोन आरु बे सानखालि राजघाट (साइ स्टेडियम)निफ्राय इन्डिया गेटसिम मोनसे गाब गोनां हारिमुवारि हान्जा सुरनाय हाबाफारि लानाय जागोन। बेजों लोगोसेनो गुबुन मोनसे सावराय जथुमनि आयदा महरै माहारियारि सोलोंथाइ बिखान्थि- 2020 नि गेजेरजों बिमा रावनि बिजोंनि खाबु आरु जुजिनय आयदानि सायाव मोनसे सावराय मेल लानाय जागोन। बे सावराय मेलआव मिरुनि सोलोंथाइ मन्थि धर्मेन्द्र प्रधानआ बाहागो लागोन। बेजों लोगोसेनो गुबुन मोनसे सावराय आयदा महरै हारिमु आरु दावबायथिलिनि गेजेरजों गोहो गोरा बड 'लेन्ड ओन्सोल दाफुंनयनि सायाव सावरायनाय आरु जायगायारि हारिमुवारि मेल आयदाखौ लानाय जादों। बे सावराय मेलआव गाहाइ आलासि महरै डनार मन्थि ज्यतीरादित्य सिंधियाआ बाहागो लागोन होनानै एबसुनि आफादगिरि दिपेन बर'आ खौरं मेलनि गेजेरजों फोरमायो।

## मुंखल द्विजेन भुजा गोजौ इंग्रजि फरायसालिनि रुपाथि माइथाय फोबों खुंनो लाहार-फाहार

जादों। फैगौ 2025 माइथायनि 4, 5 आरु 6 एप्रिलयाव सानथामनि गेदेर हाबाफारिजों खुंजानो गोनां रुपाथि माइथाय फोबॉनि बान्जाय आफादखौ दाफुंनाय जाबाय। डेकियाजुलि बिधान सभा बियाबनि एमएलए आरु आसाम सरकारनि केबिनेट मन्थि अशक सिंहालखौ गाहाइ मदतगिरि, बारग' फरायसा दैदेनगिरि रातुल कुमार नाथखौ गाहाइ बोसोनगिरि, हरिलाल शर्माखौ आफादगिरि, गजेन चन्द्र बरुवाखौ मावफुं आफादगिरि आरु गाहाइ फोरोंगिरि गलक चन्द्र बराखौ नेहाथारि महरै लाना गाहाइ बान्जाय आफादजों लोगोसे माखासे उफ्रा आफादखौ दानाय जाबाय। गेदेर ओन्सोलनि गंसेल ' गोजौ सोलोंथाइ फरसथाननि रुपाथि माइथाय फोबों साखा-फारा जानायखौ लानानै रइजो-राजाफोरनि गेजेराव थुलुंगाखानाय नुनो मोन्नाय जादों। रुपाथि माइथाय फोबोंखौ लोब्बा लानानै गांसे गोसोखां लाइसिबो फोसावनो साखा-फारा जादों होनानैबो बान्जायगिरिफोरा फोरमायदों। मख 'नो गोनांदि, ओन्सोलनि सोलोंथाइ सांग्रां रइजो-राजाफोरनि बान्जायनायाव 1990 माइथायाव गायसनजानाय फरायसालिआ थानाय 2023 माइथायाव सरकारि जादों। आथिखालाव गोग्गाथाइजों 25 बोसोर आबुं जानाय फरायसालिआ ओन्सोलनि सोलोंथायारि जौगाखानायनि बिथिडव गोखों बिफाव फालिदों। आसामनि थामोन्था रैखाथिनि सोमावसारनायाव जिउ बाउसोमनानानै मुंखलं जानाय द्विजेन भुजानि मुंडाव बाउनाय फरायसालिनि रुपाथि माइथाय फोबोंखौ जाफुंसार खुंनो थाखाय बारग' फरायसाफोरा सांग्रां जादों। आथिखालाव बारग' फरायसा सन्मिलन दानानै रुपाथि माइथाय फोबोंखौ लोब्बा लानानै गुबुन गुबुन हाबाफारि खुंनायनि लाहार-फाहार जादों होन्ना फोरमायदों। मख 'नो गोनांदि, आगुयाव फैगौ बोसोरनि जानुवारि दाननि मोनथाम अक्टखालि रुपाथि माइथाय फोबों खुंनायनि थांखि लादोंमोनब्लाबो गुनत्सबजों लोगोसे माखासे जेनानि थाखाय अक्टखौ सोलायनाय जादों। फरायसालिनि फैगौ रुपाथि माइथाय फोबोंखौ जाफुंसार होनो थाखाय रइजो-राजा आरु बारग' फरायसाफोरखौ हेफाजाब होफेनो बान्जायगिरिफोरा खावलायहरदों।

## सालवारिनि लावदांगुरियाव श्यामा फुजानि हिराथि माइथाय फोबों खुंदों

मोनब्रेयाव बिजेपि आरु जुथाय दोलोनि बिजाथिया देरहागोन। बइइगाव बिधान सभा बियाबआव 30 रेजा भटनि फरायगथियाव जुथाय दोलोनि बिजाथिया देरहागोन। चामुगुरि बिधान सभा बियाबआव सोर बिजाथिया देरहागोन बेयाव आथिखालाव बुनो हाया। जेब्ला चामुगुरि बियाबनि धोरेमरि माइ 'रिति रइजो-राजाफोरा बिजेपिनो भट होयोब्ला बिजेपि बिजाथिया गोबां भटयाव देरहागोन। नरेन्द्र मदिनि बिथांखिफोरनि बाहागोखौ माइ 'रिति रइजो-राजाफोरबो मोनगासिनो दड। बेनि थाखायनो चामुगुरि बियाबनि गासै जौगानायनि सार्थयाव बिजेपिनो भट होनो माइ 'रिति रइजो-राजाफोरखौ खावलायो। ' फारसेंथि, खौरंगिरिआ अखिल गौनि सोमोन्दै सौंथि दैखानायाव मन्थि रन्जित कुमार दासआ- मा अखिल गौ होन्नानै सौंथि दैखानो। नरेन्द्र मदिनि बाथा बुंगसिनो दडमा अखिल गौ ? होन्नाखौ बिजोंनिफ्राय जानागाराव थाडे। मख 'नो गोनांदि, थानाय हरयाव लावदांगुरि हाथायाव खुंजाबाय थानाय श्यामा फुजानि हिराथि माइथाय फोबॉनि गेवलां मेलयाव मन्थि रन्जित कुमार दासआ गाहाइ आलासि महरै बिबुंथि लाखिदों। मेलयाव गोसोखां लाइसि ' रुद्रानै 'खौ गुवाहाटी मुलुगसोलोंसालिनि बिबुंगिरि आरु मुंदांखा थुनलाइगिरि डू अनिल बर'आ बेखेवना होयो। मेलयाव भत्तेदब मुलुगसोलोंसालिनि बिबुंगिरि यादव दैमारि, बाक्सा जिल्ला साहित्य सभानि आफादगिरि कामदेब दास, निपकनि गाहाइ सामलायगिरि हरिशि दैमारि, बिटिआरनि मावफुं सोद्रोमा गौतम दासमोनजों लोगोसे माखासे जर'खा सुबुंफोरा आलासि महरै बाहागो लाफेदों। मख 'नो गोनांदि, 9 साननि हाबाफारिजों खुंनाय श्यामा फुजानि हिराथि माइथाय फोबोंयाव दिनैबो माखासे सुबुंफोरनि नुजाथि फैनायजों लोगोसे गेदेर हारिमुवारि हाबाफारिबो खुंनाय जादों।

## गेजेर बिजनी दख 'रा एबसुआ खुंगा 21थि बोसोरसालिया जथुमा खुंनो बान्जाय आफादनि गाहाइ मावखुलि बेखेवबाय

हानानै बेखेवनानै होयो बाक्सा जिल्ला दुलाराय बर' फरायसा आफादनि लोगो नेहाथारि जयचरण नाज्जि बिथाइ। बे हाबाफारियावनो बिथांजों लोगोसे बाहागो लाबावनो हायो सालबारि बर' थुनलाइ आफादनि नेहाथारि दिपेन चन्द्र बसुमतारी सावदुरबिथा गदि बर' थुनलाइ आफादनि आफादगिरि सुबल गयारि, नर्थ कामरुप कलेजनि बिबुंगोरि बिनय केरकातारि, गुवाहाटी बिजिसालिनि एडभ्केट हेमेन दैमारि, ओन्सोलनि फोरोंगिरिफोरजों लोगोसे गोबां रइजो-राजाफोरबो दिनैनि हाबाफारियाव बाहागो लादों।



## गाहाम देहानि राहा

### गुर मिथाइया देहानि लिरथाइ खमायनायजों लोगोसे इम्युनिटिबो गोखों खालामनो हायो

गुर मिथाइयाव आइरनखौ गोबां बिबानि मोन्नाय जायो, बेनिखायनो बेखौ जानायनि हुदा खालामोब्ला देहायाव थैनि आंखाल जानाय जेनाखौ जानगार खालामो। जखयै गोबोयाव गथ' गोनो आइजोफोरनि थाखाय मुलाम्भ गोनो, नाथाय डक्टरनि सुबुन लानाया गोनो। गुरजों सुबुनि इमिउनिटिआ बाडे, जायनि ओथिया जादों जौनि देहायाव इमिउनिया गोखोंडे थायोब्ला जायखि जाया इनफेक्सन आगे माखासे गोब्राव बेरामफोरनिफ्रायबो रैखाथि होयो। लिभारखौ गाहामे लाखियाजों बयनिबो थाखाय गोनोथार, मानोना बेजों आल्सार आगे इनफेक्सन बायदि जेना हागौ आगे इनफेक्सनआ गोबां जालाडेब्ला केन्सर बायदि जेना गोब्राव बेराम जानो हागौ। बेबायदियाव गुर मिथाइ जानाय हुदाया गुन गोनो जायो।



जुदि जानाय आदारा दोगोन जानायाव जेना जायोब्ला गुरखौ जानांगो, मानोना बेयाव फाइबार बायदि दोगोन खालामग्रा गुन मोन्नाय जायो, जाय दोगोन बिखाथिखौ गाहामे जाफु'सार होनायाव मदत खालामो। गुर मिथाइया देहा सोलेरनि लिरथाइखौ खम खालामनायावबो हेफाजाब

खालामो। जुदि नोथाडा गुफुं देहाजों जेनायाव गोरलैदो, अब्ला गुर मिथाइखौ दैजों गलायना लोनांगो। बेबायदि लोनाया थायोब्ला देहानि लिरथाइया खमायलाडे। (नट: बेफोरो सरसन्हा खौरं होनायनि थांखियै मिथिहोनाय। गाहामे मिथिनो डाक्टरनि सुबुन लानाया गाहाम।)

## आमिर खाननि आगुनि बिसिआ दिभर्सनि उननि माखासे बाथाफोरखौ मिबथि होदों

आमिर खानआ गिदिर पदांआव गावनि एक्टिनि बिथिआव थांफो पारफेकब्लाबो, नाथाय बिथानि एक्स वाइफनि बायदिब्ला पिपल लाइफआव बिथांआ 100 जौखोन्दो बिबान लानो हानाय फिसाइ लानो हायाखै। 3 इडियटसनि फावखु'गुरआ खनने जुलि खालामदों, गिबि जुलिखौ बिथांआ रिना दत्ताजों खालामदोंमोन, जायजों बिथाड सानै गथ'फोर दड आगे बिथामोननि मुआनो जादों आइर खान आगे जुनेद खान। जुलिनि 15 बोसोर उनाव बिथांआ नैथि जुलिखौ किरण रावजों खालामदोंमोन, नाथाय 2021 माइथायाव बिथामोनहा सानैजों गावसालायनायनि खौरांखौ फोसावदोंमोन। फिसान्ला आगे बिसिजों आलादा जानायनि उनाव आमिर खानआ दासिमबो किरण रावजों जोबोद क्लजयेनो दड। बबेखानि 'लापता लीडिज' नि डायरेक्टरआ बावैसो सिगां मिबथि होयोदि, आमिरआ



बिथांजों लोगोआवथ' दड, नाथाय गावनि फिसान्ला आजादनि बिथाडा मोनसे बाथाखौ मिबथिया। बिथांआ बेनिफ्राय गावखौनो जानगाराव दोनो लुबैयो। बिथोनगिरि आगे डायरेक्टर किरण रावआ बावैसो सिगां करिना कापुरनि मुंदांखा स्व' 'व्हाट वुमेन वान्ट्स' आव सहैदोंमोन। बेनि गेजेरजों बिथांआ गावनि पारसनेल लाइफखौ लानानै गोबां बाथा सावरायदोंमोन। बेनि गेजेरवनो जेब्ला करिना कापुरआ सौलु'

खालामदोंमोनदि, आलादा जानायनि उनाव बिथांआ आजादनि क-पेरिन्टखौ माबोर खालामो, अब्ला थाबैनो किरणआ फिनजाथाय होनायनि गेजेरजों बुडोदि, बेखौ मिबथि होनांगौआ जोबोद गोब्राव। बिथाड जोबोद बेस्थ' बिफा। सैथो बाथा बुनो थाडोब्ला जेब्ला जौनि जुलि जादोंमोन अब्ला आंसो गथ'फोरनि जोथोन लानाय खामानिखौ मावोमोन। जेब्ला जों आलादा जायो आगे उनाव डिभर्स

## बिग बस 18 आव सानै कन्टेस्टेन्ट वाइल्ड कार्ड एन्ट्रि जादों

मेकार्सफोरा बिग बस 18 सिजनखौ मुजिथावना खालामनो थाखाय जेबो खबु हगाराखै। सलमान खाननि बे जेना गोनो स्व'निफ्राय दासिम सा 5 कन्टेस्टेन्टफोरा ओं खारलांनोबाय। बे सप्ताहआव शहजादायाबो न'निफ्राय ओंखार लानांगोन। बे समाव बिग बसनि न'आव करणभिर मेहरा भासैस भिभियन डिसेना आगे अभिनाश मिश्रा सोलिगासिनो दड। भिभियनआ सप्ताहने सिगां बांदाय जेबो बुआखेमोन, नाथाय दा सानफ्रोमबो बिथानि लोगो करणभिर मेहराजों खुदिलानायखौ नुनो मोन्दों। बावैसो सिगां बिग बस 18 आव सानै वाइल्ड कार्ड एन्ट्रि जादों। सिप्लिटस्बिला x 5 निफ्राय दिगभिजय सिंह शटि आगे कशिक कापुरआ बे सिजनआव सलमान खाननि स्व'नि बाहागो जानो खबु मोन्दों। अदेबानि, दिगभिजयआ फैनाय लोगो लोगोनो बिग बसनि अनसुला



भिभियन डिसेनाखौ चेलेन्ज होदों। बिग बस 18 आव जेब्लाबो बिग बसनि न'नि सुबुंफोरा भिभियन डिसेनाखौ लानानै जंखायोमोनदि, बिथाड बिग बसनि अनसुला कन्टेस्टेन्ट

न'नि माखासे सुबुंफोराथ' बे बाथाजोंनो मेगनबो सायो। भिभियनखौ जंखायग्राफोरनि लिस्टआव आरोबाव दा सासेनि मुआ सरजावबावबाय आगे बेनि मुआनो जादों गिदभिजय सिंह

शटि। बिथाडा न'आव फैनायनि उनावनो भिभियन डिसेनाखौ बिग बस 18 सिजननि बयनिखुइबो गोखोंसिन कन्टेस्टेन्ट होना मिबथिहोयो। बबेखानि, बेजों

लोगोसेनो मधुबालानि फावखु'गुरखौ चेलेन्स खालामनायनि गेजेरजों दिगभिजय शटिआ बुडोदि, नोथाडा जानो हागौ स्व'नि अनसुला कन्टेस्टेन्ट, आंहा जागोन सुबुंफोरनि अनसुला कन्टेस्टेन्ट। दिगभिजय सिनि बे बाथाफोरखौ खोनानायनि उनाव हमनो हायोदि, दा स्व'आव अभिनास भिभियन भासैस करण दिगभिजय जानायखौ नुनो मोन्ना हागौ आगे मोनसे गोदान सुथुरखौ जानायखौ जागायनो हागौ। मिबथि होनाय जायोदि, बिग बस 18 आव वाइल्ड कार्ड एन्ट्रि जानायनि सिगां दिगभिजय सिंहआ शटि रडिजआव नुजाथि फेखांबाय।

## 'पुष्पा 2' सावथुननि रिलिज अक्टखौ थि खालामबाय

आल्लु अर्जुननि सावथुन 'पुष्पा 2: दारु' खौ लानानै सिगांनिफ्रायनो गोबां बाथा सावरायबाय थादोंमोन। सावथुननि सोमोन्दै हमदादोंमोनदि, बे सावथुनआ मुलुगनाडै नो गिबि साननिफ्रायनो मोजां कालेक्शन खालामनायजों लोगोसे बक्स अफिसआव मोनसे गोदान रिकर्ड बानायगोन। सावथुनआ गिबियाव 6 दिसेम्बरखालि रिलिज जानो गोनोमोन।



अन्सायगिरि आगे इन्डस्ट्रीआव नोजेर लाखिग्राफोरनि जोबोद आसा खालामनायनि गेजेराव सावथुननि लन्चिंखौ सानसे सिगां 5 दिसेम्बर 2024 अक्टखालि थि खालामनाय जायो। रिपर्टनि बायदिब्ला, सुकुमारनि डायरेक्शनआव दिहुनजानाय सिक्वेलनि प्रि-बुकिंआ आमेरिकायाव सिगांनो जगायजेनबाय आगे बेयाव जोबोर मोजां अन्सायनाय मोन्दों। भारतआवबो अन्सायगिरिफोरा जोबोद एक्साइटेन्ट जानानै दड। बुकिं खालामनाया जागायनाय लोगो लोगोनो टिकेटफोरखौ थाबैनो फानजोबनो हागोन होना मिजिं थिनाय जादों। बृहस्पतिबारआव बेनि रिलिज अक्टखौ

दावखोहोनायनि खौराडा बयखौबो रंजाखांहोदों। 'पुष्पा 2' सावथुनखौ गासै भारतआवनो आलादा लेभेलनि अन्सायनाय मोनगोन होनानै मिजिं थियो। बे सावथुनआ 6 दिसेम्बरखालि भिक्कि कौशलनि 'छावा' सावथुनजों लोगोसे बक्स अफिसआव सौग्रावनो गोनोमोन। सुलुनि बायदिब्ला, 'पुष्पा 2' सावथुनआ अन्ध्र प्रदेश आगे तेलंगानायाव रिकर्ड सिफावनो थाखाय साखा-फारा जादों। गिबि सानाव 85 कौटि कालेक्शन जागोनखौ हमदानाय जादों। कर्नाटकआव खमैबो 20 कौटि रं आरंजगोनखौ आसा खालामदों, बेनि उनाव तामिलनाडुआव 12 कौटि रं आगे केरलायाव खमैबो 8 कौटि

रनि कालेक्शन जानो हागौ। जुदि बेबादि जायोब्ला 'पुष्पा 2' सावथुनआ गिबि सानाव 250 कौटि रनि अनजिमाखौ बारनो हानाय भारतनि गिबि सावथुन जागोन। 'पुष्पा: दारु' नि जाफु'सारनायनि जादों।

सायाव बे सिक्वेलआ आल्लु अर्जुन, रश्मिका मन्दना आगे फहाद फासिल बायदि स्टारसफोरजों बु'फबनाय। सल'खौ आगेबाव गोबां एक्शनजों लोगोसे बानायनाय जादों।

## शाहरुख खानआ गावनि 59 थि जोनोम सान फालिदों



शाहरुख खानआ गोबां सुबुंफोरनि गोसोआव जायगा आवग्रिनानै दड। बिथाड हलिउडजों जेबो सोमोन्दो गैयाब्लाबो, नाथाय बिथानि अन्साइगिरिफोरा इन्डियानि अनगायै माखासे गुबुन हादतफोरवबो दड। किं खाननि मोनसे नुथाइखौ मोन्ना थाखाय अन्साइगिरिफोरा घन्टा-घन्टासिम मन्तनि बायजोआव गसंनानै थायो। 12 नभेम्बरआव बलिउडनि बादशाह शाहरुख खानआ गावनि 59 थि जोनोम सान फालियो। बे खबुआव बिथानि नख'रनि सुबुंफोरजों लोगोसे सिम्पल स्टाइलआव जोनोम सान फालिनाय किं 'खान' नि सावगारिया भाइरेल जादों आगे बेवहाय गौरि खान आगे फिसाजो सुहाना खानखौ केक हाहोनाय नुनो मोन्दों। बबेखानि बोसोरफोमनि बायदि बे बोसोरवबो शाहरुख खानआ गावनि माखासे आंगो लोगोफोरजों लोगोसे जोनोम सान फालिनो बावयाखै। बिथांआ बायजोआव फैना नै अन्साइगिरिफोरजों लोगो हमनो हायाखै, नाथाय शाहरुख खानआ माबा मोनसे खालामनानै अन्साइगिरिफोरनि मोखांआव फिन खुसि लाबोदोंमोन। शाहरुख खाननि जोनोम साननि जर'खा खबुआव हरसे सिगांनो बिथानि बाला मन्तनि बायजोआव अन्साइगिरिफोरा थुवर जानो हम्नो। अदेबानि बे खेबाव माखासे आलादा नुनो मोन्दों। बे खेबाव मन्तनि बायजोआव लांदां नुनो मोन्दों। शाहरुख खानआबो बायजोआव फैयाखै आगे अन्साइगिरिफोरबो बोसोरफोमनि बायदि बिथांजों लोगो हमनो हायासै। माखासे बोसोर उनाव बिथांखौ बेलकनिआव नुयैनि थाखाय अन्साइगिरिफोरा जिगा सिनो नाड, मानोना बेनि थाखायबो शाहरुख खानआ लामा दिहुन्दों। पठाननि फावगिरिया गावनि अफिसियेल एक्स एकाउन्टआव मोनसे सावगारि शेरार खालामदों आगे बेवहाय बिथांआ गावनि सिगनेचर स्टेप खालामदों आगे बिथानि उनाव रोजा-रोजा सुबुंफोर थुवर जादों। बे थुवर जानाया मन्तनि बायजोआव गसंनानै थानाय अन्साइगिरिफोरनि नड, नाथाय मुम्बाइनि सिंआव थानाय बान्डीनि मोनसे फेन क्लाबनिनो। थानाय बोसोरव शाहरुख खाननि मोन्थाम सावथुनफोरा रिलिज जादोंमोन आगे बे सावथुनफोरनि मुआनो पठान, जवान आगे डकि।

## सलमान खानआ 'सिकन्दर' सावथुननि सुटिनि थाखाय हाइद्राबादआव सौहैदों



बलिउडनि सुपारस्टार सलमान खानआ गावनि सावथुन 'सिकन्दर' शूटिनि थाखाय हाइद्राबादनि ताज फलकनुमा पेलेसआव सौहैदों। 2025 माइथायाव इदनि फोर्बोआव रिलिज जानो गोनो बे सावथुननि शूटिआ बे जारिमिन गोनो जायगायाव जागोन। सशेल मिडियाव मोनसे भिडिअआ भाइरेल जागासिनो दड। मिडिया रिपर्टआव मिबथि होनाय बायदिब्ला, 'सिकन्दर' सावथुननि शूटि जागायनायनि सानसे सिगां टिमआ बेवहाय सौहैदोंमोन। बे जाथाया

सलमान खाननि थाखायबो जोबोर स्पेसेल, मानोना बेवहायनो बिथानि बिनानाव अर्पितानि जुलिया आयुष शर्माजों जादोंमोन। सलमान खानआ गोबां सिकिउरिफोरजों लोगोसे एयारपर्टआव सौहैदोंमोन। मिबथि होनाय जायोदि, थानाय दाननि 12 अक्टखालि सलमाननि आंगोआव थानाय बाबा सिद्धिकि खौ गुलि गावनानै बुथारनाय जादोंमोन, जायनि उनाव सलमान खाननि सिकिउरिफोरखौबो बारायहोनाय जादोंमोन। बुथारनायनि दायखौ लरेन्स

बिश्नइ गे'आ लादोंमोन। सशेल मिडियाआव भाइरेल जानाय पस्टआव लसमानखानखौ लानानैबो सांग्राथि होदोंमोन। थानाय सानफोराव सलमान खानआ बुथार जानो नागिरनाय हुमखिबो मोन्दोंमोन। बे जाथायाव पुलिसआ सिगां नएडयाव सासे हौवासाखौ ग्रे'प्टार खालामदोंमोन। नैथिखौ मुम्बाइनि बान्डीनिफ्राय ग्रे'प्टार खालामनाय जादोंमोन। सिकन्दर सावथुननि बाथा सावरायब्ला, बे सावथुनआ रश्मिका मन्दना, सुनिल शेट्टि आगे काजल आग्रवालआबो दड। सलमान खानआ थानाय सानफोराव रहित शेट्टिनि सावथुन 'सिंघाम एगेन' आव केमिय खालामदोंमोन। बिथाड सावथुनाव माखासे सेकेन्डनि थाखायल' नुजाथिदों आगे बेबो गावनि 'दबंग' सावथुननि चुलबुल पान्डेनि स्टाइलआव।

## टम हलेन्डआ गार्लफ्रेन्ड जेन्डयानि सोमोन्दै गुगलआव सार्च खालामदों



'स्पाइडर मेन' सावथुननिफ्राय मुंदांखा जानाय हलिउडनि स्टारस टम हलेन्ड आगे जेन्डयानि लाभ लाइफखौ साफ्रोमबो मिबथिगौ। सानैखौबो थानाय सानफोराव निउयकंआव नुनाय जादोंमोन, जेराव साफ्रोमबो नुनो मोन्दोंदि, टमआ गावनि गार्लफ्रेन्डखौ बेसेबां जोथोन लायो। अदेबानि आथिखालाव बिथाड माखासे बाथा मिबथिहोदों, जायखौ खोनानानै अन्सायगिरिफोरनि गोसोआ गलिगोन। बिथाड

बुडोदि, गुगलआव जेन्डयानि सोमोन्दै सार्च खालामो। टम हलेन्डआ बावैसो सिगां इउटुब स्व' अन दा मेन्युआव बुडोदि, 'जायखौ आं गुगलआव जोबथा सार्च खालामदों बेयो जादों मोखथाडव जेन्डया। आं सशेल मिडियाआव गैया आगे जेब्ला आं बेखौ बाहायाखैमोन अब्ला आं बेखौ बोखारोसोमोन। टमआ आगेबाव बुडोदि, नाथाय आं बेखौ नायनो थाखायल' चेक खालामोमोन जे गासिबो मोजाडैनो दडब्ला, गासिबो

मोजाडै नो दडना गैया, बेनिखायनो आं बिथांखौ गुगलआव चेक खालामदोंमोन। मख'नो गोनान्दि, बेनि सिगां टमनि मोनसे भिडिअआ बाइरेल जादोंमोन आगे बेयो निउयकनिमोन। बेवहाय जेब्ला जेन्डयाखौ अन्सायगिरिफोरा बे'खन्ना लादोंमोन, अब्ला टमआ थाबैनो बिथांखौ बेनिफ्राय बायजोआल ओंखारबोदोंमोन। बिथाडा जेब्लाबो समावनो गावनि गार्लफ्रेन्ड एबा मोजां मोन्नायखौ रैखा खालामनाय नुनो मोन्दों। दसे समनि थाखायबो जेन्डयानि आखाय हमनायखौ नागाराखैमोन। बिथानि बे भिडिअआ जोबोद भाइरेल जादोंमोन आगे गासिबो सुबुंआनो बिथांखौ जोबोद बाखायदोंमोन। बिथामोनहा सानैबो 'स्पाइडर मेन: न वे हम' आव जयैखामानि मावदोंमोन।



## 2थि महाभिर सिंह त्यागी मेम 'रिएल कर्परेट टूर्नामेन्ट' आब सानि भातिआ 119 राननि गोख्रों इन्स गेलेदों

मेरठ, 3 नभेम्बर: सनिबार खालि मेरठनि आइटिआइ साकेत फोथराव नैथि महावीर सिंह त्यागी मेम 'रिएल कर्परेट टूर्नामेन्ट' आब मोननै मेच गेलेनाय जादोंमोन। गिबि मेचखों रयेल गरुडआ देरहादोंमोन आरो नैथि मेचखों मेरठ सुपार किंसआ देरहादोंमोन। गिबि मेचआ रयेल गरुड आरो ओशन टाइम्सनि मेजेराव गेलेनाय जादोंमोन। असियान टाइम्सआ टस देरहानानै सिगां बेटिं खालामदोंमोन आरो 20 अभावाव 9 उडकेट खोमानानै 162 राननि टारगेट होदोंमोन। असियान टाइम्सनि जानानै भुराआ 39 आरो सर्वेश कुमार 30 रान बानायदोंमोन। रयेल गरुडनि जानानै इशान रस्तगीआ साथाम उडकेट लायो जेराव अंकित आरो सबिकान्तआ मोननै उडकेट लायो। फिननायाव रयेल गरुडआ 19 अभावाव 4 उडकेट खोमानानै 163 रान बानायनाय मेचखों देरहादोंमोन। रयेल गरुडनि जानानै आलक शर्माआ 56 आरो निखिल तमरआ 50 रान बानायदोंमोन। मेचनि



गेलेगिरिया इशान रस्तगी, बयनिखुइ साबसिन बलार महैर एडभिक, साबसिन बेटसमेन महैर सि ए आलक शर्मांमोन। नैथि मेचआ टेक टाइम्स आरो मेरठ सुपार किंसनि मेजेराव जादोंमोन। किंसआ टस देरहानानै सिगां बेटिं खालामो आरो 20 अभावाव 269 रान बानायदोंमोन। जेराव सानी भाटीआ 119 आरो शिवम चौधुरीआ 68 राननि बिहोमा होदोंमोन। टेक टाइम्सनि जानानै अमित शर्मा, अमित त्यागी आरो अंकित गयेलआ 1-1 उडकेट लायो। फिननायाव

टाइम्सआ 15.2 अभावाव 79 रानल' बानायनो हादोंमोन। टाइम्सनि जानानै अंकित गयेलआ 19 रान बानायदोंमोन। मेरठ सुपार किंसनि जानानै उमर साफी, शिव त्यागी आरो यगेश महलीआ साथाम उडकेट लायो। प्लेयार अफ दा मेचआ सानी भाटी, बयनिखुइ साबसिन बलार उमर सफी आरो बयनिखुइ साबसिन बेटसमेननि बिमुंखों शिवम चौधुरीआ मोननो हायो। बे बादायलायनायाव गाहाइ आलासि महैर क्रिकेटनि कच अतहर आलीआ गेलेगिरिफोरनो टूफीखों गथाया होयो।

## 26थि दावहारु मुंख्लं टूफि जोलुर बादायलायनाया थुंगेबाय

### बडाइगाव इलेभेन स्टार एफ सिआ देरहासार

कक्राझार, 3 नभेम्बर: कक्राझार जिल्लानि दतमा आन्सलिक स्पोर्टस एस 'सियेसननि बाजायनायाव थांनाय 23 अक्टबरनिफ्राय जागायजेननाय 26थि दावहारु मुंख्लं टूफिनि जोबथा जोलुर गेलेनाय बादायलायनाया दिने जोबनानै थांबाय। मख 'जाथावदि, कक्राझार जिल्लानि दतमा आन्सलिक स्पोर्टस एस 'सियेसनआ ओन्सोलनि मुंख्लं जालानाय जोहोलाव-जोहोलावजोफोरखों गोसोखांनय आरो मान बाउनायजों लो गोसे इयुन जोलैफोरखों थुंलुंगांनयनि थांखिजों थांनाय 1997 माइथायनिफ्रायनो बे "दावहारु मुंख्लं टूफि" जोलुर गेलेनाय बादायलायनाया बोसोरफोरमबो खुंभोबाय थादों। देरलायबो थांनाय 23 अक्टबरनिफ्राय जागायजेननानै 3 नभेम्बर खालारसिमनि मेजेराव खुंफुजाया देरलायनि बे 26थि दावहारु मुंख्लं टूफि जोलुर



गेलेनाय बादायलायनायाव फारियै- सोनाब बेंगल आलिपुरदुवारनि बिबिकानन्द एफ सि, बडाइगाव इलेभेन स्टार, कक्राझार गेन्नाबिलनि जथाय कलाब, उदालगुरि डिमाकुचिनि अरंग एफ सि, बिजनी फेरंगा एफ सि, दतमा आन्सलिक स्पोर्टस एस 'सियेसन आरो गसाइगाव जारगुरिनि गबिन्द बसुमतारि एफ सि गासै मोन 8 जोलुर हान्जाफोरा बाहागो लादोंमोन। गसाइगाव जारगुरिनि गबिन्द बसुमतारि

एफ सि आरो बडाइगाव इलेभेन स्टार एफ सिनि मेजेराव जानाय दिनेनि बे जोबथा जोलुर गेलेनाय बादायलायनायखों 30 न सान्जा कक्राझार बिधानसभा बियाबनि एम एल ए लरेन्स इस्लारिआ बे खेवनानै होयो। मख 'जाथावदि, दिनेनि बे जोबथा बादायलायनाया जोबोद नारा नाथा जुजिलायनायनि मेजेराव जानानै थाडो। गेलेनायनि गिबि हाफआव मोननैबो हान्जायानो रावबो

रावखोंबो गल सोनो हाया लासे समान समान जायो। बेबादिनो नैथि हाफनि गेलेनायावबो मोननैबो हान्जायानो रावबो रावखोंबो गल सोनो हाया लासे गोलाव सम गोब्राव नाजालायनायनि मेजेराव जोबनानै थाडो। अदेबानि टाइ ब्रे कार जोनायनि मेजेराव बडाइगाव इलेभेन स्टार एफ सिआ 13-14 गलनि फारागथियाव गसाइगाव जारगुरिनि गबिन्द बसुमतारि

एफ सिनि हेंथायै देरहासार जानो हानानै देरलायनि दावहारु मुंख्लं टूफि-2024 सेम्पियनसिप बान्थाखों मोननो हायो। सेम्पियन जानो हानाय इलेभेन स्टार एफ सिआ मोनसे सेम्पियन टूफिजों लो गोसे नो गोद 1 लाख रानि बानथाखों मोननो होयो। बेराफारसे रानासआप जानाय गबिन्द बसुमतारि एफ सिआ मोनसे टूफिजों लो गोसे नो गोद 75 रोजा रं बानथाखों मोननो होयो। दावहारु मुंख्लं टूफि जोलुर गेलेनायनि दिनेनि जोबथा हाबाफारियाव मन्थि उरखाव गोर ब्रह्म, एम एल ए रबिराम नाज्जि, कक्राझार जिल्ला गेलेमु गौधुमनि आफादगिरि एबा आसाम अलिम्पिक एस 'सियेसननि लो गो आफदगिरि कबिरन्ज ब्रह्म, एम सि एल ए प्रकास बसुमतारि आरो दतमा ओन्सोलनि दैदेनगिरि सानसुमेफोरजों लो गोसे ओन्सोलनि गोंबां रोजा-रोजा खड्गे रजाफोर बहागो लायो।

## चीनआव खुंजानाय वर्ल्ड सुहाइ जियाअ सेम्पियनसिपआव इउपिनि गेलेगिरिआ मोजाडे दिन्थिफुनो हादों



गोदान दिल्ली, 3 नभेम्बर: चीननि बडिं सहराव खुंजानाय इन्विटेशनल वर्ल्ड सुहाइ जियाअ सेम्पियनसिपआव सहारनपुरनि आयजो आरो होबा गेलेगिरिफोरा गोख्रोंडे दिन्थिफुदों। सहारनपुरनि सुषमा सिंहआ ब्रन्जनि मेडल देरहायो आरो हर्षित बिन्दालआ बाथि मासि आवगिनानै सहरनि मुंखों गोगानाय लाबोदों। इन्विटेशनल वर्ल्ड सुहाइ जियाअ स्पोर्टस सेम्पियनसिपआव 23 निफ्राय 27 अक्टबरसिम चीननि बडिंआव खुंजादोंमोन। जथाय नेहाथारि कुलदीपआ बुंदोंमोन दि, सहारनपुरनि सानै गेलेगिरिफोराबो बे बादायलायनायाव भारतनि जानानै गेलेगोन। आयजोफोरनि थाखोआव सुषमा सिंहआ 65 कि:ग्रा: लिरथाइ थाखोआव ब्रन्जनि मेडल देरहादोंमोन। 60 कि:ग्रा: लिरथाइनि थाखोआव हर्षित बिन्दालआ मोजाडे दिन्थिफुनो हादोंमोन आरो बाथि मासि आवगिनो हादोंमोन। बे बादायलायनाय इभेन्टआव गासै 35 हादतफोरनि गेलेगिरिफोरा बाहागो लादोंमोन। प्रदीप त्यागीआ बे सेम्पियनसिपआव भारतनि गिबिसिनि मेजेराव हायुआरि रेफारि जायो। प्रदीप त्यागीआ आशा मडारि स्कुल आरो सुषमा पाइनबुड स्कुलनि सासे देहायारि सोलोथारयनि फोरोंगिरि। बेनि समाव साहिब पाल, पीयुष मिचल, पुनित, कुलदीप त्यागी, शिवम, अन्सुल मोनहा बरायदोंमोन।

## भारतनि लाजिनांथाव जेन्नायनि उनाव सचिन तेन्दुलकारआ रागा जोंखांदों

गोदान दिल्ली, 3 नभेम्बर: भारतनि हान्जाया न'आव निउजिलेण्डनि हेंथायै टेस्ट सिरिजआव गात्रि जेन्नांदों। किवि हान्जाया भारतआव गिबि खेबनि थाखाय टेस्ट सिरिज देरहादों। टिम इण्डियाआ टेस्ट सिरिजखों 0-3 जों जेन्नेदों आरो बे लाजिनांथाव जेन्नायनि उनाव, टिम इण्डियानि सायाव गोबां सोलु सिखानाय जादों। मुंदांखा क्रिकेट गेलेगिरि सचिन तेन्दुलकारआबो टिम इण्डियाखों गात्रिजै सोंखारिदों। बिथाड सांनैल' गेलेगिरिफोर खों बाख्नायदों आरो शट सायख'नायजों लो गोसे गोबां बाथ्राफोरनि सायाव सोलु देखांदों। गुबैयै मुम्बाइ टेस्टआव निउजिलेण्डआ भारतखों 25 रानजों फेजेनेदों। बे मेचआव देरहानायजों, किवि हान्जाया जारिमिन सोरजियो, मानोना बे देरहानायजों, बिसरोरो टेस्ट सिरिजआव 3-0 जों क्लिन स्विप खालामो। भारतआ जोबथा इन्सआव देरहानो थाखाय 147 राननि थांखि होदोंमोन, नाथाय टिम



इण्डियाआ 121 रानआव फोजोबो। निउजिलेण्डआ मुम्बाइ टेस्टनि गिबि इन्सआव 235 रान बानायदोंमोन आरो नैथि इन्सआव 174 रान बानायदोंमोन। भारतआ गिबि इन्सआव 263 रान बानायदोंमोन, नाथाय नैथि इन्सआव गासै हान्जाया 121 रानआव फोजोबदोंमोन। बे जेन्नायनि उनाव, गेदेमा क्रिकेटर सचिन तेन्दुलकारा भारतारि हान्जानि सायाव रागा जोंदों। सचिन तेन्दुलकारा टूइट खालामो, 'भारतआव 3-0 जों जेन्नाया जोबोद गोब्राब आरो गावखों नायबिजिननायनि गोनांथि दं। मेचनि सिगां थियारिनि आंखाल, गात्रि शट सायख'नाय एबा प्रेक्टिसनि

आंखालमोन नामा? सचिनआ आरोबाव लिरबावदोंमोनिदि शुभमन गिलआ गिबि इन्सआव मोजाडे गेलेदोंमोन आरो ऋषभ पन्तआ मोनैबो इन्सआव जोबोर मोजांमोन। मोनसे फेरफाथिनाय पिचआव बिथानि आर्थिनि खामानिया जोबोद मोजांमोन। बिथाड निउजिलेण्डनि गेलेगिरिफोर खोंबो बाख्नायदोंमोन। सचिनआ भारतनि हेंथायै 0-3 जों देरहानायनि थाखाय निउजिलेण्डखों आबुं मुं होदोंमोन। मख 'नो गोनांदि, निउजिलेण्डआ गिबि टेस्टआव भारतखों 8 विकेटजों फेजेने। नैथि टेस्टआव टिम इन्डियाआ 113 रानजों जेन्नांदोंमोन आरो थामथि टेस्टआव निउजिलेण्डआ 25 रानजों देरहायो।

## चेल्लीनि हेंथायै जानो गोनां प्रिमियार लिग मेचआव रुड भान निस्टेलरयआ बिबान सामलायगोन

स्पर्टस डेस्क, 3 नभेम्बर: मेनचेस्टर इनाइटेडआ एरिक टेन हेगनिफ्राय जोबोद गोख्रों दावगालांदोंमोन जानांगो मानोना बेयो बिथानि अनगा गावनि गिबि मेचखों 5-2 जों देरहादोंमोन आरो फिन बे सप्ताहायाव रुबेन अम'रिमखों बिथानि सोलायनाय महैर थिसनदोंमोन। रेड डेविल्सआ डचमेनिनि सिडव गेजेराव थारायियाव थालांदोंमोन आरो वेस्ट हामजों 1-2 गलजों जेन्नांदोंमोन, जाय बिथामोननि सामलायगिरि महैर टेन हेगनि जोबथा गेलेनायमोन। बिथानि थांनायनि उनाव इनाइटेडनि बारग' स्ट्राइकर रुड भान निस्टेलरय, जाय टेन हेगनि हेफाजाबगिरि महैर खामानि मावगासिनो दंमोन। गेजेराव सामलायगिरि महैर बिबान लादोंमोन। बबेखानि, कलाबनि सामलायगिरिया स्पर्टि सिपिनि गाहाइ कचखों लाना थाबैनो उन्नि सामलायगिरिनि सायाव साम्पेन्सखों खालामदोंमोन। एलेक्स फार्गुसननि थांनायनि उनाव बिथाड इनाइटेडनि सामलायगिरि जानो हानाय द'थि सामलायगिरि जादोंमोन।



'बोथोरा जागायदोंमोन आरो जोहा जोबोद मोजां बोथोर जानो हामदोंमोन। इनाइटेडआ दफानि गोजांआव जुजाथिदोंमोन, दफाखों होदोंमोन आरो हादरगिरि या गावसोरनि लुबैनायखों रैंखा खालामदोंमोन। आंमाब्लाबाबो हादरगिरि जों जेबो सावरायाखोंमोन। अम'रिमआ गावनि थिसनथाइनि उनाव बुंदोंमोन- आं मोनसेल' खावलायनाया बेनोमोनदि, बेयो बोथोरनि जोबनायाव जानांगो आरो बिसोरो आंनो खोन्थादोंमोन दि बेयो जाथावना नडा। अम'रिमआ 2027 माइथायसिम मेनचेस्टर इनाइटेडनि सामलायगिरि जानो थाखाय रादाय खादोंमोन, नाथाय बिथाड रबिबाराव अलड ट्रेफर्ड स्टेडियामाव चेल्लीनि हेंथायै

मेचनि थाखाय आरोदायारि ओन्सोलाव थानाय नडा। बनि सोलायै भान निस्टेलरयआ प्रीमियार लीगनि मोगा-मोगिनि थाखाय गेजेराव सामलायगिरि महैर बिबानआव थाबाय थागोन। मानोना अमरिमआ गेजेर हायुआरि उडन्ड'नि उनाव 11 नभेम्बरखालिसो कलाबाव हाबगोन। बै समसिम, नेडारलेन्डनि बारग' गेजेर हायुआरिआ कलाबखों जोथोन लागोन। आं जेब्लासिम गोनांथि दं आरो इयुनाव जायखि-जाया गोहोआव मदद खालामगासिनो, आं बेयाव कलाबनि थाखाय जायखि-जाया गोहोआव आंनि गासैखोंबो होनो थाखाय थियारि होन्ना भान निस्टेलरयआ फोरमायो।

## 24 बोसोरनि उनाव भारतनि न'आव क्लिन स्विप

### निउजिलेण्डआ मुम्बाइ टेस्टखों 25 रानजों देरहादों

गोदान दिल्ली, 3 नभेम्बर: निउजिलेण्डआ थामथि टेस्टआव भारतखों 25 रानजों फेजेनेदों। बेजों लो गोसे, हान्जाया मोनथाम मेचनि फारिखों 3-0 जों देरहादो हादों। किवि हान्जाया भारतआव गिबि खेबनि थाखाय टेस्ट सिरिज देरहादों। भारतारि हान्जाया 24 बोसोरनि उनाव न'आव क्लिन स्विप खालामो। बनि सिगाडव, टिम इण्डियाआ 2000 माइथायाव मोन 2 मेचनि टेस्ट सिरिजआव खोला आफ्रिकानि आखाइयाव क्लिन स्विप खालामदोंमोन। मोनथाम एबा बनि बांसनि टेस्ट मेचफोरनि नख'रारि सिरिजआव, टिम इण्डियाआ गिबि खेबनि थाखाय क्लिन स्विप खालामदों। भारतआ बंगालर टेस्ट मेचखों दाइन विकेटजों आरो पुणे टेस्ट मेचआव 113 रानजों जेन्नेदोंमोन। भारतआ 12 बोसोरनि उनाव नख'रनि हायाव टेस्ट सिरिजआव जेननायजों मोगा-मोगि जानांदों। मुम्बाइनि बानाखेडें स्टेडियमआव गेलेनाय मेचआव टस देरहानानै सिगां बेटिं खालामनानै निउजिलेण्डआ गावनि गिबि इन्सआव 235 रान बानायो। फिनायाव भारतनि हान्जाया गिबि इन्सआव 263 रानआव अल आउट जायो। भारतआ 28 राननि सिगांदोंमोन। फिनायाव निउजिलेण्डनि नैथि इन्सआव 174 रानआव जोबदोंमोन।



भारतआ 147 राननि थांखि दंमोन। फिनायाव हान्जाया 121 रानआव अल आउट जायो। भारतनि थाखाय नैथि इन्सआव ऋषभ पन्तआ बयनिखुइ बांसिन 64 रान बानायो, जेराव एजाज पटेलआ निउजिलेण्डनि जानानै 6 विकेट लायो। एजाजआ मेचआव 11 विकेट लादों। बिथांखों प्लेयार अफ दा मैच सायख'नाय जायो। बे जेननायनि उनाव, भारतनि हान्जाया बुहुमनां टेस्ट चेम्पियनशिप (डब्लिउटिसि) नि पइन्ट फारियाव जेन्नांदों। दा भारतनि हान्जाया नैथि सारियाव गोल्डेबाय। बे मेचनि सिगां, भारतनि पइन्टफोरा 62.82 मोन, जाय दा 58.33 जाबाय।

## चेन्नाइयान एफसि आरो जमशेदपुर एफसिआ जमशेदपुराव इण्डियान सुपार लीगनि मेचआव बादायलायगोन

गोदान दिल्ली, 3 नभेम्बर: चेन्नाइयान एफसि आरो जमशेदपुर एफसिआ समबारखालि जमशेदपुराव इण्डियान सुपार लीगनि मेचआव बादायलायगोन। बे बादायलायनाया अवेन कयल, फारुख चौधरी आरो डेनियल चिमा चुकवु बायदि गेलेगिरिफोरा गावसोरनि गोजाम हान्जायाव फेफिनायजों लो गोफोरनि मेजेराव सुथुर जानायनि उनाव फिन ज'जानायखों दिन्थयो। कयलआ 2021-22 माइथायाव रेड माइनार्सखों चेम्पियनशिपआव जाफुंसारहोनो थाखाय थुंलुंगा होदोंमोन आरो बेनिखायनो न'नि अन्सायगिरिफोरा बिथांखों दुंनुदयै बरायनो हागौ। मोनैबो हान्जाया सोलिकु केम्पेइनाव गाव-गावनि अन्सायगिरिफोरनि बिथाफोरनि थाखाय मोनसे दिन्थिफुदों। बिथामोनहा खोंसेथि, मोजाडे खाब जानाय इउनिट महैर दिन्थिफुदों, जोबोद गोनांथाव देरहानाय मोननो हादों आरो मोनसे गोखों थाखोआव सिजनखों जागायजेनदों। बबेखानि, बिथामोनहा गावसोरनि सिगांनि मेचफोराव फिसा-फिसौ जेनाफोरजों मोगा-मोगि जानांदोंमोन, जेराव जमशेदपुर एफसिआ गोदान दिल्लीआव नर्थस्ट इनाइटेड एफसि आरो चेन्नाइयान एफसिजों 5-0 जों जेन्नांदोंमोन। बिसोरो फिन ज'



जाफिनो गोसो गुंजु जागोन, गावसोरनि बिखायिफोरखों थि खालामनो आरो रिसेट बटनखों थुगोन जाहाथे बिसोरो दासिम मोनसे पजिटिभ नुनाय बोथोरखों फिन फोथाफिनो हायो। मेन अफ रिस्टलआ मरिना माचान्नि बेरखायै बे थावनियाव गावसोरनि सिगांनि मोनने मेचफोराव जेनाखे। बिसोरो बे समाव खेबसे देरहादोंमोन आरो खेबथाम डू'जादोंमोन। गुबैयै, जेआरिड टाटा स्प'टस कमप्लेक्सआव चेन्नाइयान एफसिनि मोनसेल' देरहानाय सि बोसोर सिगां 28 दिसेम्बर, 2017 माइथायाव 1-0 नि एसेल' फारागथिजों फैदोंमोन।